

JUZÍÑAMUI ÑUEFUE SAN MARCOS LLOGAFUE El Santo Evangelio Según San Marcos

*Juan Bautista táizicimo lluáibite
(Mt 3.1-12; Lc 3.1-9, 15-17; Jn 1.19-28)*

¹ Juzíñamui Jitó Jesucristo lloga ñúefue bie izói tainede.

² Jaiái uícodo Juzíñamui uai jino llóraima Isaías cuete:

Mai cacai, o uiécode cue rafue llotímie orédicue, o jáille io ñue ifóllena.

³ Táizicimo caillídime uai ñue cacaide; daide:
Mai omoi Ocuíraima jaille io ñue finori; ie macalle
io jáicina tuiñori, —daide.

⁴ Afe izói báutizaraima Juan táizicimo cíocaizaibite. Dinomo comini jitáirede báutizaillena afémie ñue lluáibite. Iaiolina daide:

—Omoi comeci ifue ñúefuena méidorediomoí. Ie mei báutizarediomoí. Iemona Juzíñamui omoi comeci fiénidifuiái dóite, —daide.

⁵ Iemona nana Judea énie imaci, Jerusalen comini diga, Juan llógamo cacáreizaidiaíoi. Cacáillano íaíoi comécimo ite fiénidifuiái uáfodo jino llotíaíoi. Daí íaíoi llua méifomo imani Jordámo Juan báutizagaíoi.

⁶ Juan jitaca iniroi camello itíraíai finoína. Ie ciraigi llaítáinafe igoraí finoína. Fíuaí ríte; jazici ie cíiji jirófiredé.

7 Comínimo llócaillano daide:

—Fui cue méifodo bíitimie, iere cue baimo riire ocuífireitimie. Iemona ie idai ico igai zuitánidicue, mei jofófene jamáimiedicueza.

8 Jae jáinoido ómoína báutizadicue, ñuera iodo omoi jáiacana jino llóllena; mei íadi afe bíitimie Ñuera Joreño do ómoína uícaitaite, ñuera iodo éicitaiñeno ñue omoi jáillena, —daí daide Juan.

Jesús báutizainafue

(Mt 3.13-17; Lc 3.21-22)

9 Aféruillaído Jesús Nazarétmona bite. Afe Nazaret jofue Galilea éniemo ite. Billano Juan illánomo dúcide. Afénomo Juan íena Jordámo báutizade.

10 Jáinoimona jino billa llezica Jesús mona tújicaillana ciode. Daje llezica Ñuera Joreño fíiciri izói Jesumo ana bíllana Jesús ciode.

11 Afe llezica monámoma uai cácaicide; daide:

—O iere cue izíruiga Jitódio. Ori iere caimare iticue, —daide.

Taife Jesús facátate

(Mt 4.1-11; Lc 4.1-13)

12 Afe méifodo raire Ñuera Joreño Jesuna táizicimo orede.

13 Dinomo tóñega rílleniai cígimo Jesús cuarenta dígarui ite. Afénomo Satanás (Taife jíáfodo mámeciredimie) Jesús facátate. Aféruillaído Juzíñamui abi imaci ángeles daínamací Jesús cánuaibitiaioi.

Jesús Galiléamo llófuiáfue táiniaide

(Mt 4.12-17; Lc 4.14-15)

14 Ie mei illaïma Herodes Báutizaraiïma Juan llavétate. Juan llavébilla mei, Jesús Galilea éniemo jaide. Jáillano Jesús, Juzíñamui ñuera rafue llujáide.

15 Jesús bie izói daïde:

—Ja aféruimo dúcïde. Ianori íllamona Juzíñamui nana íemo jaináidimaci dáaziena camare íllena garítaibiteza. Iemona jíllonafue omoi ínuano, omoi comeci ífuiyai méidori afémacimo dájena omoi jaináillena, —daïde.

*Jesús cuatro dígamie facóramaci uáidote
(Mt 4.18-22; Lc 5.1-11)*

16 Jesús Galilea jorai fuédado mácajide. Jaillano Simona ciode ie ama Andrés diga. Facóramai íaillinoi. Llójiji jóraimo dotáfirediaillinoi.

17 Jesús íaillinoïna daïde:

—Mai cuedo ómicoi bi. Chámuniaï ómicoi jenófirena izói, afe izói comini jenórainina ómicoïna jóneiticue, —daïde.

18 Raïre íemona íaillinoi llójiji fíïanona, afémiedo jáidiaillinoi.

19 Ie mei Jesús bai jabo jaillano Zebedeo jitó, Santiágon a ciode, ie ama Juan diga. Iaiï llójiji cúaidino, nocáe ero ráicana niródiaillinoi.

20 Jesús íaillinoi jíirite. Iaillinoi moo Zebedeo nocaemo fiénocaillano ie canóramaci diga, Jesudo jáidiaillinoi.

*Capernaumo fiénide jóraïredimie Jesús jíllotaga
(Lc 4.31-37)*

21 Ja Capernaumo dúcïdiaïoi. Ie mei ocózinaiïllaruimo Jesús Juzíñamui uai llófueracom o jof o llófuiaide.

22 Afémie llogáfuerei fáigacaidiaioi. Ua nibai ríimie izóí ñue llófullofuede. Ocuícafue llófueraini afe daií llófueñediaioi.

23 Afe llezica Juzíñamui uai llófueracomo fiénidena jóriaredimie ite.

24 Afémie ja Jesumo caillide; daide:

—Nazaret ímie, Jesús, ¿ñifue cócomo illa? ¿Cai fatátaibitio? Ona onódicue. Juzíñamui íaifuenidimiedio; afémie rafue ñue lluaíbitimiedio, —daide.

25 Iemo Jesús fiénide jóriaimo riire úrite; daide:

—¡Líicai! Bímie fáicanocaillano oni jai, —daide.

26 Iemo fiénide jóriai afémiena izire docáitate. Ie mei jamánomo caillidemo afémiemona oni jaide.

27 Ie jira nana nairai jacínaitiaioi. Jira conímamo jicánotiaioi:

—¿Bie minica? ¿Minica bie como llófueinafue? Bie Jesumo riire ocuíllafue ite, fiénide jóriai oréllena. Afe fiénide jóriai afémiena ínofirediaioi, —daidíaioi.

28 Ie jira Jesús mámecei nana Galilea énie fuédado raire jica jalleide.

Jesús Simón Pedro jifaiño jllotate

(Mt 8.14-15; Lc 4.38-39)

29 Juzíñamui uai llófueracomona jino billano, Jesús, Simón ie ama Andrés íaillinoi ícomo jaide, Santiago, Juan diga.

30 Dinomo Simón jifaiño abi cuaríllamona iníranomo bíide. Afengo irárenana Jesumo llotíaioi.

31 Iemona aféngomo áinozillano, Jesús afengo onoi llíinota, íena caifo naidánete. Afe llezica afengo abi cuarilla aféngomona llíicaide. Daje

llezica jarire íaioi jitailla güille afengo bai íaioimo atide.

Jesús aillo iráredino jíllotate
(Mt 8.16-17; Lc 4.40-41)

³² Aféruido, jitoma ana zójicaidemo, ja nauíoicailla llezica, nana afénomo ite iráredino, fiénidena jóriaredino diga, Jesumo atídíaioi.

³³ Nana dino jofue nairai afeco naze fue ibírimo gairízitiaioi.

³⁴ Jesús aillo íaioimo ite diga ie duico jíllotate. Afe llezica aillo fiénide jóriai Jesús jino comínimona orede, mei íadi Jesús afe jóriai úriñeillena íaioimona rairuide, mei afémiena onódiaioiza.

Jesús Galiléamo llujide
(Lc 4.42-44)

³⁵ Ja monáioicaidemo, nai jítireoidemo, Jesús cazillano jino jófueмона oni tii daidínomo jaide, dinomo Juzíñamuimo úrillena.

³⁶ Afe mei Simón ie nabáñiairi Jesús jénuaidiaioi.

³⁷ Baillánona íena daidíaioi:

—Nana o jenódiaioi, —daidíaioi.

³⁸ Iemo Jesús íaioina daide:

—Ainori itícuaimo mai cai jai, dinomo daje izói ñúefue cai llujillena; mei afe jira jino bitícueza, —daide.

³⁹ Daí Jesús nana Galiléado macade. Naga illánuaimo Juzíñamui uai llófueriracomo llócaide. Afe llezica comínimona fiénide jóriai jino orede.

Chúinaite izóidimie Jesús jíllotate
(Mt 8.1-4; Lc 5.12-16)

40 Jesumo chíinaite izóidimie áinozide. Ana dújuano daide:

—Cue o jíllotaiacaniadi cuena jíllotaredio, —daide.

41 Ie jira Jesús afémiemo dúecaide. Jira ónoïdo jétano daide:

—Jii, ona jíllotaiacadícue. Mai o abi jácaiteza, —daide.

42 Daií dáinamona afe duico iráredimiemona cíóbicaíñena. Jae ñüemie.

43 Iemo Jesús afémie orede. Daje llezica riire ocuúllano daide:

44 —¡Cacai! Bumo lloñeno iri. Dama lletáriraima sacerdote dainámiemo jaillano, o abi ácatari. Dáaruido Moisés jaii ocuica abi duafue ráana, mai afémiemo izájiri. Iemona comini o abi jíllotana fídítiaioi, —daide.

45 Mei íadi afémie jaillano nana comínimo afe ie jíllonafue llujide. Iemo aillo comini Jesumo izire gairíoidiaioi. Ie jira ja Jesús bu jófuemo uáfodo jáinide; mei íadi jino jofue iñénanomo mácajide. Mei íadi nágagobiaimona bizájidiaioi afémiena cíoillena.

2

Jesús íizitaitimie jíllotate (Mt 9.1-8; Lc 5.17-26)

1 Ie méifodo nano nígarui íllamona Jesús meine abido Capernaumo jaide. Afémie jofomo íllana ja fídítiaioi.

2 Iemo aillo nairai ie jofomo gairídiaioi. Jofo comínina oruúllamona iere rillírede; ja naze fuemo íaioi illino iñede. Iaióimo Juzíñamui úrillafue Jesús jino llote.

3 Iemo cuatro dígamie títitaitimie atídíaióí.

4 Iere comini illaza, Jesús illánomo dúcinide. Ie jira jofo emódomo caifo jaillano, Jesús illa llezícamo jofo emodo ibáicano cúcoídiáióí. Cúcoianona aféfodo títitaitimie ana agüínetiaíóí, naa afémie bírallu díga.

5 Afémaci comeci ínuana cíoillano, Jesús títitaitimiena daide:

—Jitó, o fiénidífue jae ñue dófide, —daide.

6 Dáarie ocuícáfue llófueraini, dinomo ráidino, íaióí comeci facáoidiaíóí:

7 “¿Nibái mei bímie daí úrite? Juzíñamuina fiéni úrite. Dama Juzíñamui fiénidífueña dua. Abi díne bu Juzíñamui izóí fiénidífueña doñena.”

8 Mei íadi dama Jesús ie comécido afémaci comeci úrillafueña onode. Jira daide:

—¿Nibái mei omói comeci daí facádiomói?

9 ¿Ñíe iere júanina iráredimiena daíllena: “O fiénidífue dófite,” nibai jíáfodo daína: “Náidacai, o bíra llínota ui, mai maca”? ¿Ñíe iere júanina?

10 Ie jira jíáfueña ómoimo fidítaitícue. Bíníemo comini fiénidífuiaina oni muiñólle ríino cuemo ite. Nanoide íima Jitódícueza, —daide. Iemo títitaitimiena juare daínáfueña daide:

11 —Ona daídícue: Caifo náidacai. O bírallu llínota mai o jofomo jairi, —daide.

12 Ja iráredimie raire náidacaillano ie bírallu llínote. Llínuano dinómona jino jaide. Ie jáillana nana comini cíodíaióí. Jira áferi fáigacaidiaíóí. Daje llezica Juzíñamuina cáímadotiaíóí. Daídíaíóí:

—Jaca daiítadifuenta cíorainidicai, Juzíñamui o iere jamánomoidimedio. Mai Juzíñamuimo cai ióbilli, —daidíaioi.

Jesús Leví uáidote
(Mt 9.9-13; Lc 5.27-32)

¹³ Ie mei Jesús meine abido jorai fuédamo jaide. Nana comini íemo áinozidiaioimo, afémie íaioina llófuete.

¹⁴ Jesús mácajilla llezica, Levína ciode. Leví Alfeo jító. Afémie gobierno ibátaga úcube llínoranomo ráiide afe úcube llínollena. Iemo Jesús íena daide:

—Cuedo bi, —daide. Jira Leví náidacaillano afémiedo jaide.

¹⁵ Afe méifomo Jesús Leví jofomo güizájide. Dinomo aillo jíáie gobierno ibátaga úcube llínoraimaci Jesús dáanomo güirábanimo ráiediaioi naa fiénidimaciri. Mei iere áillomaci afe izóidino afémiedo jáidino. Afe dáanomo Jesús llófuegamaci ráidíaioi.

¹⁶ Mei íadi dáarie ocuícáfue llófueraini fariséuai diga, Jesús nana afe fiénidimaci diga naa íáiruiga ibátaga úcube llínoraimaciri dáanomo güllana cíodiaioi. Iemona Jesús llófuegamacina daidíaioi:

—¿Nibái mei omoi llófueraima afe íáiruiga ibátaga úcube llínoraimaci diga güífiredede, jirófirede? Daje izói, ¿nibái mei jíáie fiénidino diga güífiredede? —daidíaioi.

¹⁷ Aféfuena Jesús cacáillanona duera ráfuedo íaioina daide, nie ícoinia mei íáiruigamací diga ie güífirenana íaioi onóillena. Be niífue:

—Íranidimaci manóriraimana jítáiñediaioi; dani duícotaidino da manóriraimana jítaina. Mei

ñúemacimo cue uáiduaibiñedicue. Fiénidino uáiduaibiticue afémaci jíllloillena, —daide.

Daa mona güllena fímairillena Jesumo jicánotiaioi

(Mt 9.14-17; Lc 5.33-39)

¹⁸ Jiáiruido Báutizaraima Juaado jáidino fariséuaido jáidino diga nana güiñeno fímairitiaioi. Aféruimo dámierie Jesumo jicánuaibitiaioi:

—¿Ñibái mei Juaado jáidino fariséuaido jáidino diga nana güiñeno fímairitiaioi, mei íadi o llófuegamaci fímairiñediaioi? —daidiaioi.

¹⁹ Jesús uai uano ráfuego mámano íaioi llófuete, afémiedo jáidino finócana jiáimaci féinino onótallena. Daide:

—Arenafuego uáidogamací ringo otímie íaioimo illa llezica ¿meita fímairirediaioi? ¿Ñibái fímairinidiaioi? Ringo otímie íaioimo illa llezica jaca fímainidiaioi.

²⁰ Mei íadi ringo otímie íaioimona bairóbicailliruimo dúciite; aféruimo uáfueña fímairitiaioi.

²¹ Iemo daje izói ñue onótallena jiáie ráfuego mámano íaioi llófuete; daide:

—Buna jaiáicuiro inícuero cúaidinomo comue jofo gáijicaiñede iniroi nitácapu dájemo jofo jíllíñede, mei comue gáijicaiñede nitácapu afe jaiáicuirona onífenedo nane ráataitade. Iemona cúaidino jae iere aillóite.

²² Daje izói comue vino jácara igoraí ie finoína botéllamo jóonenide. Jácara botéllamo comue vino jóoneadi, afétella bójicaide. Iemo nana vino táinomo tójicaide. Daje izói afe igoraí finoína botella

bójicaillano meine finónide. Ie jira comue vino comue igorai finoína botéllamo jóonerede, —daide.

Jesús llófuegamaci ocózinaillaruimo trigo llizíllaticiai tícoíaidiaíoi

(Mt 12.1-8; Lc 6.1-5)

²³ Daa mona ocózinaillaruimo Jesús ríganíai cígído mácajide ie llófuegamaci diga. Afénodo jaillano ie llófuegamaci arrozna eroide trigo llizíllaticiai ja tícoíaidiaíoi.

²⁴ Iemo fariséuai íena daidíaíoi:

—¡Erocai! ¿Nibái mei o llófuegamaci rairuírede jetádiaíoi? Afena ocózinaillaruimo rairuírede, —daidíaíoi.

²⁵⁻²⁶ Mei íadi afémie íaíoiína daide:

—¿Jaca nibai David finócana facadoñediómoi? Afémie naa ie nabáiñiairi güille iñena llezica, júbietaillano Juzíñamui jofomo jaide. Ua Abiatar lletáriraini illáimana illáruido, David jofo jaide. Afe jofo eromo Juzíñamuimo eneno mameca rairuírede panes ite. Dani Juzíñamui lletáriraini áfena güirena; jíáimacimona afe rairuírede. Afe panes David uánona güite; ie mei ie nabáiñiaímo fecade.

²⁷ Iemo nane Jesús íaíoiína daide:

—Íima ocózinaillarui íena fínoñega, mei íadi ocózinaillarui iima íena mameca.

²⁸ Jira Nanoide íima Jítone cue íllamona, ocózinaillaruína ocuíredicue. Aferui Náamadícue, —daide.

3

Jesús ónoína llirídímie jíllotate

(Mt 12.9-14; Lc 6.6-11)

¹ Jesús dáanomo Juzíñamui uai llófueriracomo jofojaide. Afénomo ónoina llirídime ite.

² Afénomo itínomona Jesumo iere eróioidiaioi, ocózinaillaruiamo Jesús bímiena jíllotajana onóillena, áfedo Jesumo fiénidifue jíállena.

³ Ie jira ónoina llirídimeena Jesús daide:
—Náidacai; jofobené cígimo bi, —daide.

⁴ Dáanomo jíáimacimo jícanote:

—¿Minícana ocózinaillaruiamo ómoiri finóredicue?
¿Nibai fiénidifue finoiticue, nibai ñúefue finoiticue?
¿Nibai omoi jíllotaiticue, nibai omoi titaiticue? —
daide Jesús.

Mei íadi afémaci ja uai oñédiaioi.

⁵ Jira Jesús íaioiri ríicaide. Daje izói zuure íaioimo eroide, mei íaioi onóiacañena jira. Iemo afe íimana daide:

—Mai, o onoi zúitacai, —daide.

Ie jira ie onoi zuitácaide. Iemona ja ie onoi ñuera.

⁶ Afe mei fariséuai, naa Herodes imaci díga jino jaillano, Jesús fallifue raire mamédiaioi.

Aillo nairai jorai fuédamo gairídiaioi

⁷ Jesús ie llófuegamaci díga, jorai fuédamo jaide. Iemo aillo nairai Galilea imaci, íedo jáidiaioi.

⁸ Mei áillue ráfuena, afémie finócafuiaina, fidíllano aillo Judea énie imaci bite, Jerusalen imaci díga. Daje izói Idumea énie imaci bite; Jordán imani ruicáfelle imaci bite; Tiro, Sidón díga áinori itímaci bite. Nana dáanomo bitíaioi; Jesús eróizaibitiaioi.

⁹ Ie jira Jesús ie llófuegamaci ocuide nocáe atíllena, aillo nairai iere rillire íemo íñeillena.

10 Mei iere aillo nairai jíllotate. Iemona nana jíáie iráredino rillire afémiemo gairídiaioi, ie jetánollena.

11 Iemo afénomo itínomona dáarie fieni jóriairediaioi. Afémiena cióillanona, afémie uiécomo ana dújudiaioi. Dújuillano caillíocaidiaioi:

—O Juzíñamui Jitódio, —daide.

12 Mei íadi Jesús fiénide jóriaina izire rairuide; daide:

—Juzíñamui Jitona cue íllana daiíñeno iri, —daide.

Jesús doce dígamie nizede, oni íaioi óriano afémaci ie ñúefue llujillena

(Mt 10.1-4; Lc 6.12-16)

13 Ie mei Jesús ídumo caifo jaide. Dinomo jaillano Jesús comeci óiacagamie dígamie nizede. Afémiemo bitíaioi.

14 Doce dígamie Jesús níziano ote. Afémaci ie oréllimacina Jesús mamede. Ua íaioina ote ie abimo íllena, ie uai llóitina jáillena.

15 Dáanomo ríinona igáiaioi iráredino jíllotallena, íemo jíái fiénide jóriai jino oréllena.

16 Afe nizécamaci doce dígamie. Afémaci mámeciai: Simón, nímíemo Jesús jíáie mámecina jítaca, Pedro;

17 ie mei Zebedeo jító íaillinoi Santiago ie ama Juan diga. Afe íaillinoimo Jesús jíáie mámecí jítade, Boanerges. Afe mámecí daína: Iocímie íaillinoi.

18 Ie emódomo jíáie nizécamaci mámeciai: Andrés, Felipe, Bartolomé, Mateo, Tomás, Alfeo jító Jacobo, Tadeo, íemo íere Járidotimacimo jaináidímie Simón,

19 ie mei Judas Iscariote. Afémie méifodo Jesús ie éoidinomo fécaitimie.

Fiénide jóriaí ríino Jesumo ite táinona daiífirediaíoi

(Mt 12.22-32; Lc 11.14-23; 12.10)

Afe méifomo Jesús ie llófuegamaci diga jofomo jofo jaide.

²⁰ Nane dáanomo aillo nairai gairízitiaíoi. Iemona Cristo ie nizécano diga ja güñidiaíoi.

²¹ Afefue fidíillano ie onoiga nabáíñiai bitíaíoi ie oni uíllena, mei afémie uáiritaide daidíaíoi.

²² Daje llezica Jerusalémona bite ocuícáfue llófueraini, bie izói íeri úritiaíoi; daidíaíoi:

—Bímie Beelzebumo jaináidimie. Afe Beelzebú fiénide jóriaí illaíma, (jíáici ie mámeçi Taife). Afe Beelzebú ríinodo fiénide jóriaí afémie jino jiude, — daidíaíoi.

²³ Ie jira Jesús íaíoi jíirite. Jírilla mei, onoiga ráfuíai íaíoimo llote:

—¿Nie izói afe Taifedo Taife jíürede? ¡jiúnide!

²⁴ Daa nairai énenorie jíáiziena oni bójicaillano are íñeitiaíoi, mei nágazie conima diga fuirífiirediaíoi za.

²⁵ Daje izói eneno dani jofóredino íaíoi bójicaíadi, are íñeitiaíoi.

²⁶ Mei jira Taife dama ie diga fuiríadi, íemona dama ie bójicaíadi, afémie are íñeite. Ua áfedo fúbicaite.

²⁷ ‘Máirimie jofomo, buna jofo jáinide, ie ráaie bairóllena. Dama afémie máia méifomo jofo jail-lano bairórega.

²⁸ ‘Uáfuenta ómoimo lloticue. Comini fiénidífuíai nana dórede, daje izói nana íaíoi fue borefue diga dórede.

29 Mei íadi Juzíñamui Ñuera Joréñomo fieni úritimie ie fiénidifuiiai jaca ua oni dónide. Dama ie ícoinia jaca íemo jíite, —daide.

30 Daií daide, mei afémie fiénidena jóriairede daidíaiói.

*Jesús ei ie ámatiai diga Jesuna uáiduaibitiaíoi
(Mt 12.46-50; Lc 8.19-21)*

31 Iemo Jesús ei ie ámatiai diga dúcidiaíoi, mei íadi jino fiébidiaíoi. Dinómona jofo gairídinona daidíaiói:

—Mai ie jírizai, —daidíaiói.

32 Jesús abido ráiedino íena daidíaiói:

—O ei, o ámatiai diga jino ite. O jénuaiibitiaíoi, —daidíaiói.

33 Mei afémie daide:

—¿Buoí cue eina? ¿Buoí cue ámatiaina? —daide.

34 Afe mei ie abido ráiedinomo eróillano daide:

—Be mei cue éitai. Be mei cue ámatiai.

35 Mei Juzíñamui ocuícafuena jeire otínona bie cue ama, bie cue miringo, bie cue ei, —daide.

4

Ríjiraíma ie ifue

(Mt 13.1-9; Lc 8.4-8)

1 Meine dáanomo jorai fuédamo Jesús llófuete. Ie illánomo aillo nairai gairídiaíoi. Jamánomo aillo comini illa jira, Jesús jóramo ite nocaemo ráizaide. Nana comini guamáemo fiébicaidiaíoi.

2 Iemo diga ráfuiiai íaíoiimo llófuete. Ua íaíoi onógafuiaido llote. Ie llogáuai daide:

3 —Bíemo cácarei: Ríjiraíma ríjizaide.

4 Ricana jailla llezica dáarie rillájiai iodo cocide. Iemo ófocuizai áfena güizáibitiaíoi.

⁵ Jiáie rillájiai nofíciaino énie iñénamo cocide. Afe rigájiai raire zocade, mei afe énie figo iñédeza.

⁶ Mei íadi jitoma billa llezica uzídiaioi. Jáinao iñénamona dúidiaioi.

⁷ Jiáie rillájiai éegiai cígimo cocide. Afe éegiai zoca anamo itábicaidiaioi. Meita jaca llizíñediaioi.

⁸ Mei íadi jiáie rillájiai ñuera éniemo baiíde. Zocádiaioi; ie mei ñue comuídiaioi. Mei ñue llizidiaioi. Daji rígamona zocano aillo llizide; jiáijiai afe baimo llizide; jiáijiai ie baimo ua aillo jamánomo llizide.

⁹ Ie mei íaioina daide:

—Omoimona cacáacadino cacai, —daide.

*Afémie nibai íaioi onóigafuiai cígido llófuefirede
(Mt 13.10-17; Lc 8.9-10)*

¹⁰ Afe mei Jesús dama fiébilla llezica, afémie áinori itino ie doce llófuegamaci diga íemo jicánotiaioi:

—Bie onóigafue ¿nie izói daiíacade? —daidíaioi.

¹¹ Jira íaioina daide:

—Juzíñamui ie uáfodo onóñega illáimana illirui rafue ómoimo llóiacade. Afedo ja lollíomoi. Mei íadi jino ite íemo jaináñedino jaca íaioi onóigafuiaido llogáiaioi.

¹² Daí cue llófuegaiaioi, íaioi cióillano nai uina cióñedimaci izói íaioi fiébicaillena. Afe izói cácaitiaioi íadi ónoñeitiaioi. Daí llófuegaiaioi íaioi comeci ifue méidoñeillena; íemo jiái íaioi comeci fiénidifuiiai dóficaiñeillena.

*Jesús afe ríjiraíma onóigafue ja ua jino llote
(Mt 13.18-23; Lc 8.11-15)*

¹³ Dáanomo Jesús jicánote:

—¿Omoi bie onóigafue onóñediomoi? ¿Nie izói daií mei jiáiena ónoitiomoi?

14 Afe riraíma Juziñamui ñuefue lloraima izóidimie.

15 Dáarie comini afe iodo cocide rigájiai izóidiaioi. Afémaci afe cue llogáfuemo cacáreidiaioi. Mei íadi áfena cacáillanona, Taife íaioi comécimo lloga ráfuena raire báiruaibite.

16 Jiáie comini afe noficiaimo énie iñénanomo cocide rigájiai izóidiaioi. Afe cue lloga uaina cacáillano raire caimare llínotiaioi.

17 Mei íadi figo jáinaonide rigájiai izóidiaioiza, dama íanori íllado ñue itíaioi. Afe mei lloga uai ícoinia facátafuiai bíadi, nibai duere íaioi zefuíadi, íaioi íinoñenamona íaioimo lloga uaina raire meine abido zóofetiaioi.

18 Jiáie comini afe éegiai cigiri cocide rigájiai izóidiaioi. Lloga uaina cacádiaioi,

19 mei íadi bie éniemo ite raamo comécillano aféfuiaimo iere járitaitiaioi. Bínie raa íaioina jífuete. Iemona jamánomo aillo ráaniaina óiacadiaioi. Nana bie jofo comeci óiacaigafue íaioimo lloga uaina niné féitate. Ja mei féitagaza; ja ie comécimo llizilla izói iñede.

20 Mei íadi dámierie lloga uaina cacáillano áfena ñue jeire otíaioi. Afémaci ñuera éniemo cocide rigájiai izóidiaioi. Afe izói íaioi íllamona, ñuefuiaina ñue aite izói finódiaioi. Afémacimona dáarie afe daji rígamona zocano aillo llizilla izóidiaioi. Íaioimona jiáimaci afe baimo llizilla izóidiaioi. Jiáimaci afe ie baimo aillo jamánomo llizilla izóidiaioi.

*Mechera iedo cai onóigafue
(Lc 8.16-18)*

21 Jesús nai úrite; íaiõina daide:

—¿Nogo anamo jóonellena mechera meita atica? ¡Atiñega! ¿Daje izói inírabani anamo rainállena mechera atícaza? ¡Atiñega! Naga mechera caifo jica raináfírega, ñue egáiñollena.

22 Mei ja nana báinino ite raa jino uáfodo cíocaitade. Daje izói nana jáanoga rafue ñue onóigafuena jáite.

23 Omoimona cacáacadino cácarei.

24 Afe emódomo íaiõina daide:

—Omoi cacánafuena ñue omoi onoiri. Naga raa omoi faca izói, afe izói Juziñamui ibana ómoimo fácaiteza. Ie mei afe baímo afémie jamánomo aillo ómoimo íite, mei ñue cacádiomoíza.

25 Mei iéredimiemo jíáiena ille; mei íadi iénidimiemoná, íemo due ite raa meine bairolle.

Eniemo rigáji zócajamo mameca rafue

26 Nane dáanomo daide Jesús:

—Juziñamui illáimana illírui bie izoide. Daa íima éniemo rigájiái júdaia izoide.

27 Rillano afémie abina íniaide. Ie mei cazide. Naio mona díga jaide. Afe llezica rigájiái zocade; zócano ñue zairide, mei íadi nie izói comuídeza afémie onóñede.

28 Mei ñuera éniemo rigájiái énie zocátaga. Nano fueñe ie ina jino billa, ie mei llizíllachecoí comuide, ie mei afe llizíllachecoí íjiaína oruide.

29 Ja ie jeia llezica, riraíma afe llizíllajiaína uájide. Mei afe jofo uáruimo ja dúcidez.

Mostaza llizíllajì iedo onoiga rafue
(Mt 13.31-32; Lc 13.18-19)

³⁰ Jesús nane daide:

—Juzíñamui illáimana illarui, ¿nié izoide? ¿Ñie onóigafuedo daje izói fácaiticaí?

³¹ Juzíñamui illáimana illarui mostaza llizíllajiaí rilla izoide. Afe íjiaí nana énie llizíllajiaímona da jaca iere jéjínide.

³² Mei íadi rígamona, nana raróciaí ie baímo áillo nana jaide. Ie ícairuai áarie. Iemona féedino ófocuizai ie ícairuaimo ráinazaidiaíoi. Afe jánamo uái ráiiediaíoi, —daí Jesús daide.

Jesús jaca onoiga ráfuaímo mámano llófueñede
(Mt 13.34-35)

³³ Daí Jesús ie jino llóiacagafuaí aillo bie izói onóigafuaído jóonecana uite. Iaiói onóillinomo daí llócaide.

³⁴ Onóigafue llóñeniadi, afémacina llófueñede. Mei íadi Jesús ie llófuegamaci díga oni eneno dani íaiói illa llezica nana áfena jino íaíoiimo llote.

Jesús jairifo naa jorai bagua díga llícaitade
(Mt 8.23-27; Lc 8.22-25)

³⁵ Aferui nauídemo Jesús ie llófuegamacina daide:
—Jorai ruícafenemo mai cai jai, —daide.

³⁶ Ie mei comini fíiano, Jesús uitíaíoi. Afémie illácaedo jáidiaíoi. Daje llezica jíácaeiaído afémiedo jáidiaíoi.

³⁷ Iemo iere rírede jairifo náidacaide. Iemona jorai bagua nocáe eromo cocide. Uafue, nocáe jáinoína oruíbicaide.

38 Afe llezica Jesús moífecaemo ifo jobéracadamo bíicana inide. Afémie cazítajano íena daídíai*oi*:

—¡Llófueraíma! ¿O caina ráiruiñedio? ¡Buízaidícaí! —daídíai*oi*.

39 Iemo Jesús náidacaillano jairifo lletade. Lletajano jóraina daide:

—¡Llícaí! ¡Uái ii! —daide. Iemona jairifo llícaide. Nana ñue jáfuericaide.

40 Ie mei ie llófuegamacina daide:

—¿Nibái mei iere jacíruitíomoi? ¿Nibai nai Juzíñamuimo íinoñediomoi? —daide.

41 Iadi jairifo ie llícaítari iere jacínaitíai*oi*. Dani conímamo úritíai*oi*:

—¿Bie níimie? ¡Jairifo jorai diga, afémie uaina jeire ote! —daídíai*oi*.

*Gerasa éniemo fiénidena jóriairedimie Jesús jíllotate
(Mt 8.28-34; Lc 8.26-39)*

5

1 Jae jorai ruicáfellemo ite Gadara éniemo dúcidíai*oi*.

2 Jesús nocáemona jino jáidemo, raiáfuaí illánomo ífirede fiénidena jóriairedimie Jesumo bite.

3 Afémie raiáfuaí illánomo ífirede. Aféruillaído afémie jaca buna llójeodo cuinánide.

4 Diga ícaíño llójeodo idai onoi diga íena cuinádíai*oi*, mei íadi afémie afe llójeona titada jaca jéenino titúbite. Jaca buna afémiena anáfenonide.

5 Mona naio diga afémie afénomo macáfírede. Iduaido caillícana jaide naa raiáfuaído. Daje llezica nofíciáido ie abi bofécade.

6 Iadi Jesuna jicana cide; cioillano, aizicana bite. Billano Jesús anamo afemie ie cañicido ana dújude.

7 Jesumo riire lléjecaide:

—¿Ñibái cuemo jíricaidio? O Jesúsio; jamánomo caifoide Juzíñamui Jitódio. Juzíñamui mámecido omo jicádícue duere cue zéfuiñellena, —daide.

8 Daií lléjecaide, mei nano fueñe Jesús íena dáideza:

—¡Fiénide joríaí, bie ímmamona oni jai! —daide.

9 Jesús íemo jicánote:

—¿O mei búdio? —daide. Uai ote:

—Cue mámeçi Aillo Dáanomo Íraicano, mei áillomacídicaiza, —daide.

10 Iemo fiénide joríaí Jesumo izire jicade, afe éniemona jica íaioina oni óreiñellena.

11 Afe íduai áinomo aillo tóica meróniaí güífírede.

12 Ie jira fiénide joríaí Jesumo jicade:

—Afe meróniaimo cai oreri, dinomo cai ílleza, —daidíaioí.

13 Ie mei Jesús fairíote. Iemo fiénide joríaí ímmamona jino meróniaimo jáidiaioí. Mena mil tóiniaí ite. Nana afe tóiniaí jorai ígodado aizida cocórdiaioí. Iemona jóraimo coróbaítiaioí.

14 Ie jira meróniaí úiñoraímaci jacinaillano botáidiaioí. Afe rafue íaioí jófue mo llujáidiaioí naa jínoidímaci díga. Ie jira afe finócafuemo comini eróizabítiaioí.

15 Jesús illánomo dúciillano nauí fiénidena jóriairedimiena cóidiaioí. Mei íadi ja biruí afemie ñue uái ráide. Ja ínícuirona jítáide. Ja ñue abina onode. Nana comini jacíruitiaioí.

16 Ie mei ciódino nauri fiénidena jóríaredimíemo finócafueña llujáidíai. Daje izói meróníaimo finócafue llotíai.

17 Ie mei Jesumo izire jícajidíai íai éniemona afémie oni jáillena.

18 Jesús meine nocáe eromo jailla llezica, nauri fiénidena jóríaina ogámie Jesús díga íllena izire jícade.

19 Mei íadi Jesús fairíoñede. Afémiena daide:

—Mai o jofomo jai. O comínimo nana omo cue finócafue o llujáiri. O Ocuíraimadícueza. Omo cue dúecaillafue llujáiri, —daide Jesús.

20 Ie jira afémie jaillano nana Jesús afémíemo finócafue llujáide. Uafue nana Decápolis éniemo llujáide. Nana comíni aféfuerei fáigacaidíai.

Jairo jiza jllotafue

(Mt 9.18-26; Lc 8.40-56)

21 Jesús meine jorai ruícafenemo nocaedo jáidemo, aillo comíni Jesús illánomo gairízaíbitíai. Afémie dino jorai fuédamo fiébide.

22 Iemo Juzíñamui uai llófueriraco illáinimona dámie dúcide. Afémie mámecei Jairo. Jesuna cióillano ie ídaimo bíjicaide.

23 Daje llezica izire jícade:

—Cue jiza tíiacade. O onoi cue jízamo bítaíbi, ie jíllolleza, ie tíñelleza, —daide.

24 Iemona Jesús afémie díga jaide. Ie llezica aillo comíni afémiedo rillire jáidíai.

25 Afémaci cígímo daa ringo iráredíngo ite. Doce díga fimona dícotaite.

26 Aillo manórirainimona duere zéfuide. Afe manórirainimo afengo úcube nana fuite. Iadi jaca ñinoñede, mei íadi jamánomo irárede. Ua iere ana jaide.

27 Naui jiáimaci Jesudo úrillafuena cacáillano, afe ringo óodana comini cígido Jesumo áinozide. Iemo afémie inícuiro jetánuaide.

28 Afe uícori afengo comeci anado daide; “Ie inícuiro cue jetáadi jílloiticue,” daide.

29 Ie mei inícuiro jetaa llezica afengo die tótaja llíicaide. Afe llezica ie irárena jílluamona afengo abi ñue cacaide.

30 Ie mei Jesús onóbicaide. Uafue, ie rínodo da come jíllotaga afémie raire fidide. Ie jira comini cígido jino éroicaillano jicánote:

—¿Mei bu cue inícuiro jetaca? —daide.

31 Iemo ie llófuegamaci afémiena daide:

—¿Aillo comini rillire fínuana cióñedio? ¿Ñibái mei bu o inícuiro jetaa jicánotio? —daidíaioi.

32 Mei íadi Jesús nágafene erórifide afémie inícuiro jetádingona cióillena.

33 Ie mei afengo jágieri cuidírite. Aféngomo finócafueña onóillano, Jesús uícomo ana bíjicaizaibite. Afengo rafue nana afémiemo uáfuena jino llote.

34 Jira Jesús daide:

—Eicango, o comécido ñue ínotio, jira jíllodio. Mai jai. Jaillano uái o iri. O irárenamona ja jíllodioza, —daide.

35 Jesús nai úritemo, dáarie comini illaima Jairo jofómona bitíaioi. Dúengo moomo lluaíbitiaioi:

—O jiza ja tíide. ¿Níbái mei are llófuerai^{ma} ifoci daidódio? —daidíai^{oi}.

³⁶ Mei íadi Jesús íai^{oi} uai jeire oñeno, llófueriraco illa^{ima} Jáirona daide:

—Jacíruiñeno iri. Dama o comécido ínori, —daide.

³⁷ Iemo Jesús nana comini íedo jáiñellena rairuide. Dama Pedro, Santiago, ie ama Juan diga uite.

³⁸ Llófueriraco illa^{ima} jofomo dúciillano, Jesús aillo comini faillíñainana cacade; nana cáillicailli éenaillana cacade.

³⁹ Jofo jaillano Jesús daide:

—¿Níbái mei iere faillíñaidi^{omoi}? ¿Níbái mei iere éedi^{omoi}? Afeza tíiñedeza; fia inide, —daide.

⁴⁰ Iemona afémieri tadáidiai^{oi}. Ie mei Jesús nana íai^{oi} jino orede. Dama jiza moo, afengo ei, íedo bitímaci diga jofo uite. Jiza illácomo jofo jáidiai^{oi}.

⁴¹ Jiza onoi llínuano daide:

—Talita, cumi—. Aféuai dobáicana llote: “Jiza, ona daidí^{cue}, náidacai.”

⁴² Daií dáinamona afengo raire náidacaide. Náidacaillano macade; mei afengo doce diga fimona íteza. Aferi comini iere fágacaidiai^{oi}.

⁴³ Mei íadi Jesús:

—Afefue bumo lloñeno iri, —daide. Daií ocuide. Afe llezica afe ringoza ecállena íai^{oi}ina ocuide.

6

Jesús Nazaremo jailla

(Mt 13.53-58; Lc 4.16-30)

¹ Dinómona Jesús ie éniemo jaide. Ie llófuegamaci íedo jáidiai^{oi}.

2 Ocozinaillarui mo dúci llanona Juzíñamui uai llófuerira como llófui aide. Aillo comini éna cacáreidiaioi. Iemona éna jacíruicana fáigacaidiaioi. Daídíaioi:

—¿Ninómona bímie nana bie ráfui aie onode? ¿Minica bie onónafue íemo ite? ¿Nie izói afémie bie aillo uaido dáinamona comuítaga raa comuítarede?

3 Mei bímie afe aménado táijiraíma, ¿ero ua? Afémie María jitoza onódicaí, ¿ero ua? Daje izói afémie ámatiaí Santiago, José, Judas, Simón dígadeza onódicaí. Iemo ie miríngotiaí nai caí cígimo íllana onódicaí, —daídíaioi.

Iemona afémaci Jesús uaina náfueacañediaioi.

4 Iemo Jesús íaioina daide:

—Nana jíaie comini, Juzíñamui uai jino llóraímana ñue jíeruitiaioi. Mei íadi afe llóraíma énie imaci, íezie imaci diga, figo éna jíeruiñediaioi. Daje izói ie jofo imaci éna jíeruiñediaioi, —daide.

5 Ie jira afénomo jamánomo aillo fia uaido dáinamona comuítaga ráfuiaina comuítanide. Due iráredinomo ie onoi bítanona jíllotote.

6 Mei íadi nabémaci ínoñenari afémie fáigacaide. Ie mei Jesús áinori ite jófuedo llófuecana uite.

*Jesús ie doce dígamie oni jíáinomo óriano llotátate
(Mt 10.5-15; Lc 9.1-6)*

7 Jesús ie doce dígade llófuegamaci uáidote. Uáiduano ménamierie íaioi orede. Afe llezica Jesús afe íaioimo ie ríino iga, fiénide jóriaí jino oréllena.

8 Ie llófuegamacina ocuide:

—Omoi jaille iodo ráiñuai jíáie minícana uñeno iri. Daa omoi jigüida diga jairi. Tura uñeno iri. Pan úcube diga uñeno iri.

⁹ Omoi idai ico jitada jairi. Mena caifófecuiro uñeno iri, dama o jitáoigacuiro uiri, —daide.

¹⁰ Iemo nane íaioina daide:

—Nícomo o jáiadi, dinó o fiébiri; ua afe éniemona jáinomo o jáiacana llezica dinó o fiébiri.

¹¹ Jáícomo omoi jáiadi, ómoína íaioi llíinoñeniadi, afenomona jairi. Daje izói o uai cacáacañenomona jairi. Jaillano, o idai ico me ite eníchoma jino íaioimo teténori, daí íaioi finócafue mo o jieruñenana jino llóitio. Uáfue na omoi lloticue: Uire duere finóbilliruimo dúcia llezica, ómoína llíinoñedino jamánomo duere finóbitiaioi. Mei íadi Sodoma comini Gomorra comini diga figo duere finóbiñeitiaioi, —daide.

¹² Iemo ie llófuegamaci jino jáidiaioi. Jaillano comini llotiaioi:

—Mai omoi começi ifue meídori, —daidiaioi.

¹³ Daje llezica aillo fiénide jóriai jino orédiaioi. Íraredinomo cáiredijina due jónetiaioi; íemona jíllodiaioi.

Juan Bautista tíllafue
(Mt 14.1-12; Lc 9.7-9)

¹⁴ Illaíma Herodes aféfuiaína como fidide. Mei nana comini Jesús jalléinana onódiaioiza. Dáarie daidiaioi:

—Juan Bautista tíide íadi meine abido cáadimiena jaide. Iemona bie ríino afémíemo ite, —daidiaioi.

¹⁵ Jáímaci daidiaioi:

—Bie Juziñamui uai llórama Elías, —daidíaioi.

Nane jiáimaci daidíaioi:

—Jaiái Juziñamui uai jino llóraini izoide bímie jiáie Juziñamui uai llórama, —daidíaioi.

¹⁶ Herodes áfena cacáillano daide:

—Bímie ifona cue jaitátagamie Juan. Ja birui tállanomona meine abido caade, —daide.

¹⁷ Herodes ama Felipe; ie ofaiño Herodías, mei íadi Herodes afengo ie aina ote. Afe Herodías ícoinia Herodes Juan jae llavétate. Afe llezica íena llavéracomo maítátate.

¹⁸ Mei nauí Juan Heródemo llógaza:

—O ofaiño o aina ónidio; áfena rairuírede, —daide.

¹⁹ Ie jira Herodías Juamo éoicana eroide. Iena fáiacade, íadi íena fánide.

²⁰ Herodes afémie comécina jaícina ñue jóidimienana onode; iere ñuemienana onode. Ñúefuedo íena jacíruite. Ie jira afengo íena fieni finótañede. Herodes Juan llogafue nai figo onóñede, íadi caimare íemo cacáreide.

²¹ Mei íadi Herodías jiáifuemo uíbicaide. Herodes jocóinamona jiáie fimona fuilláruimo dúcide. Jira aféruido Herodes cumpleaños rafue finode. Nana ie illaini, jabóllaini, Galilea ocuiraini diga afénomo gairírdiaioi, mei Herodes uáidogaiaioiza.

²² Dinomo Herodías jiza jofo jaillano zaite. Afengo záillari Herodes íóbide; daje izói nana ie diga güizáibitino íóbidiaioi. Iemona illaima Herodes aféngona daide:

—O jicáacaiga raa cuemo jica. Omo ííticue, —daide.

²³ Rírede uaido nana afengo jicalle raa ie fecállena íaioi uiécomo llote: “Nana cuemo jainaide

éñiemona júbene o jitailla dieze omo llóiticue,”
daide.

²⁴ Afengo jaillano ie eina daide:

—¿Minica jícaiticue? —daide.

Afengo daide:

—Mai, Juan Bautista ifoci jica, —daide.

²⁵ Afe ringoza jarire illaïma illánomo jofo jaide;
ïena daide:

—Raire plato eromo Juan Bautista ifoci jóoneta
cuemo ine, —daide.

²⁶ Iemona illaïma ïere zúureficaide. Mei ja riïrede
uaido llógaza afengo jíácana afémië jáanoiacañede.
Daje llezica nana ie uáidogamaci cacádiaïoi. Ie jira
jáanoiacañede.

²⁷ Ie jira afe llezica ie abi úiñoraima raire
llavériracomo orede, Juan ifoci atïllena.

²⁸ Afe abi úiñoraima llavériracomo jaillano, Juan
ifoci jáitano plátomo jóoneta atide. Afémië aféngomo
izáibite. Iemo ie eimo afengo izájide.

²⁹ Juaado jáidino, fidíillano, ie abi uájidiaïoi,
ráillena.

Jesús cinco mil dígade iñiaï ecade

(Mt 14.13-21; Lc 9.10-17; Jn 6.1-14)

³⁰ Afe mei Jesús nauï oni jino orécamaci meine
Jesumo gairíllano, nana íaïoi finócafue afémiemo
llotíaïoi. Afe íaïoi llogafue llotíaïoi.

³¹ Iemona Jesús íaïoïna daide:

—Mai bi, oni báinino cai ocózinaili, —daide.

Aillo comini dúcioidiaïoi, jáioidiaïoi; ie jira Jesús
ie imaci diga, güñidiaïoi.

³² Ie mei Jesús ie imaci diga nocaedo oni eneno
tïï daidínomo jáidiaïoi.

33 Mei íadi aillo nairai íaiói jáillana ciode. Jesuna onóillano nana jófueмона батíномо aizícana jáidiaíoi. Uafue, Jesús ie imaci diga uícomo dúcidiaíoi.

34 Jesús dúcia mei nocáemona jino jaillano aillo comínina ciode. Cióillano afémacimo dúcaide. Íaioina izíruite nibai úñoraimanide ovéjaíai izói itíaiói. Ie jira diga ráfuiaina íaioimo llote.

35 Ja nauídemo ie llófuegamaci afémiena daízaíbitiaíoi:

—Ja nauízaide. Afe benomo comini jofona íñede.

36 Mai comini oni ore áinori itícuaímo jíáie jofue diga, dinomo íaíoi güille íbajillena. Mei íaíoi güíllena benomo íñédeza, —daídíaíoi.

37 Jira Jesús uai ote:

—Mai omoi íaíoi eca, —daide.

Afémiena daídíaíoi:

—¿Cai meita jaillano íbáredicai, doscientos dígabe fidi pan bimaci ecállena? —daídíaíoi.

38 Jira Jesús daide:

—¿Níga pan ómoímo ite? Eroizai, —daide.

Afe fidíillano daídíaíoi:

—Jubécuiro diga panes ite, mena chamu diga, —daídíaíoi.

39 Ie jira mócorede raitíremo Jesús comini énenorie dázierie raízítate.

40 Iemona cincuenta íemo jíái cien dígamíerie raízídaitiaíoi.

41 Iemona Jesús afe jubeba panes mena chamu diga llínnote. Llínuano caífo monamo érocaillano:

—Iere figora, —daide. Daíí daínano afe pan dídade. Dítajano ie llófuegamacimo fecade.

Llófuegamaci ja comínimo oni fecádiaioi. Daje izói mena chamu nana comínido fecádiaioi.

⁴² Nana comini güitíaioi. Ua ñue jeírediaioi.

⁴³ Güilla mei panes chamu diga fiébidinona doce dígagai cirigai oruítatiaioi.

⁴⁴ Afe Jesús fecaca panes güitímaci cinco mil dígamiaia.

Jesús jainoi emódodo macade

(Mt 14.22-27; Jn 6.16-21)

⁴⁵ Raíre méifodo Jesús ie llófuegamaci nocaedo jorai ruícafenemo orede. Afe llezica íaioina ie uícomo Betsáidamo orede. Dinomo íaioi jailla. Daí ñeta llezica mei Jesús nana comini diga rainode.

⁴⁶ Íaioi ráinua méifodo Jesús idu emódomo Juzíñamuimo úrizaide.

⁴⁷ Ja naiomo nocáe jorai cígimo ite. Jesús dama éniemo fiébicaide.

⁴⁸ Jesús íaioi taino jáiana ciode. Taino jaitíaioi, mei jairifo meine íaioi fúuoideza. Iemo ja monáizaidemo Jesús íaioimo ánozide. Jainoi emódodo macade. Anozide, íadi jicado fíiaide izói macade.

⁴⁹ Ie jainoi emódodo mácajana íaioi cióillano comeci jacíruioicana facádiaioi: “¡Ñibai janaba!” daidíaioi. Jira caillíoidiaioi.

⁵⁰ Nana áfena cióillano iere jacínaitiaioi. Mei íadi Jesús raíre íaioimo úrite; daide:

—¡Abi omoi mame! ¡Cueza! ¡Jacíruiñeno omoi iri!
—daide.

51 Iaiioimo itícaemo jofo jaide. Jofo jáidemo jairifo llícaide. Iemo jacíruioicana áferi iere fáigacaidiaioi.

52 Ua afe daií fáigacaidiaioi, mei afe duera pan fia uáimona jamánomo aillo comúitatena comécido onóñediaioiza; íaioi comeci nai ríirena jira.

*Genesaret éniemo ite iráredino Jesús jílloate
(Mt 14.34-36)*

53 Jorai ruicáfellemo jáitanona Genesaret éniemo dúcidiaioi. Zíjillano nocáe ari cuinádiaioi.

54 Nocáemona jino jailla llezica, afénomo ite comini raire Jesuna onódiaioi.

55 Iemona afémaci nana afe éniedo raire aizícana llujídiaioi. Iemona Jesús illánona fidíillano, afe dinomo iráredimaci duera inírabanido atídiaioi.

56 Nágagobiaido ie jáiacana izói afe jofue cígimo ite ocózinairanomo iráredino jóonefirediaioi. Aillue jofue diné ie jáiadi, dúera jofue diné ie jáiadi, fia jofo iñénallegoído ie jáiadi, daje izói iráredino iomo jóonetiaioi. Afe llezica Jesús inícuero fueda íaioi jetánollena daa bie dáarie izire íemo jicádiaioi. Nana áfena jetánotino jíllobicaidiaioi.

7

*¿Minica caina iaire finode?
(Mt 15.1-20)*

1 Iemo fariséuai Jesumo áinozidiaioi, dáarie ocuícáfue llófueraini diga. Afe llófueraini Jerusalémoma bitíaioi.

2 Nana bimaci Jesús llófuegamacimona dámierie cíodiaioi. Afe llófuegamaci onoi jocóñeno güitíaioi,

fariséuai afémacina daií daide, mei bimaci onoi jócua ocuica níciduafuemo dúcitaiñediaioiza. Afe ícoinia íaioi jánana úritiaioi.

³ Daií daidíaioi mei fariséuai nana judúuai diga íaioi jaiáigima uai nai uícadiaioiza. Aféfuiai daide, comini nai bie izói íaioi onoi diga icaiño jócoñenia güíndiaioi.

⁴ Daje izói güille fecáracomona meine billano, onoi jócua ocuica níciduafue nai fuitáñenia güíndiaioi. Nai aillo ite afémaci jíáie uícaigafuiai. Uafue, íaioi jiróracuai diga icaiño jocófirediaioi. Daje izói íaioi icíruai, cadéruai, jamánomo diga ícaiño jocódiaioi íaioi inírabanillai diga.

⁵ Iemona fariséuai, ocuícáfue llófueraini diga Jesumo jicánotiaioi:

—¿Níbái mei o llófuegamaci cai jaiáigima daináfuiái uícaiñediaioi? Daií onoi íáirededo güítiaioi, —daidíaioi.

⁶ Jesús uai ote:

—Juzíñamui uai lloraíma Isaías ñue llote. Nana omoi abina ñúemaci, íadi comécina íáirediomoí. Ie cuia llezica ómoímo llote:

Bie comini fueo ñúefue cuemo jitádiaioi.

Mei íadi íaioi comeci cuemo jaináíñede.

⁷ Cue ñúefuedo úrilla cuemo gairífirediaioi, mei íadi íaioi úrillafue ráííñede.

Iaioi llófuega Juzíñamui daináuai, fia jamai comini ocuícáfuiái.

Juzíñamui uáíñede, daií íaioi daina íadi, daide.

⁸ Mei Juzíñamui ocuícáfue féitatiomoí, fia comini daináfuiái jeire omoi óllena. Aféfuiai daide:

icírui jocóllena, jiróracuai jocóllena, aillo jiáie afe izóidifuiái omoi finóllena.

⁹ Iemo afe emódomo bie izói zanoda íaioina daide:

—Juzíñamui ocuícawai iere ebire oni eneno omoi fáicanocaiga, dani omoi daináfuiái uícaillena.

¹⁰ Mei Moisés daide: “Ñue jacíruiuoicana o moo canori, o ei diga. Ie ei ie moo diga fiénina úritimie uáfueña titáredeza,” daide.

¹¹ Mei íadi jiáifodo daidíomoi:

—Dámie ie moo íaillinona bie daiírede, “Ona canónidicue, mei nana cuemo ite ráaie jae ‘Corbán’ itíaiioiza”. (Afe uai dobáicana daina Juzíñamui íena mamécaza.)

¹² Damie daií daiíadi, ja mei ie ei ie moo diga canónide náfuetiomoi.

¹³ Afe ícoinia Juzíñamui ocuica uaina jámairuitiomoi. Uafue, comini llocana jaide llogafue ínota ñúefueña jámairuitiomoi. Aillo afe izóidifuiái finófirediomoi.

¹⁴ Nane dáanomo Jesús comini jírrite; jírillano íaioina daide:

—Nana omoi cácarei, comeci onoiri.

¹⁵ Nana güíllemo comécina íáirenafue iñede. Mei íadi comécimona jino bitifue come comeci íáiretate.

¹⁶ Omoimona cacáreiacadino cacai, —daide.

¹⁷ Jesús comini fíiano jofomo jaide. Dinomo ie llófuegamaci afe onóigafuedo íemo jicánotiaioi.

¹⁸⁻¹⁹ Iemo íaioina daide:

—¿Daií jaca ónoñeitiomoi? Nana jinona güiga raa comécimo jáiñede. Jébegimo jaide. Ie jira cómena

íáiruitañede. Jébegimo jailla mei, abímona oni dotácaza. ¿Aféfuena fidíñediomoi?

Afedo Jesús daiíacade nana güille ñuera.

²⁰ Nane daide:

—Íima comécimona jino bitífue dama afémiena íáiruitade.

²¹ Mei afémie erómona, ua ie comécimona jino fiéni uibíllafue bite; íemo jiruírenafue bite, naa jíáie jiruífuiái diga; íemo jíáíma méniáfue bite,

²² merírillafue diga; íemo jíáíma raa bairóacanafue bite, jíáie fiénidífuiái diga; ie mei jíáíma jífuiáfue bite, nana íáiredífuiái diga. Iemo úradoillafue bite, naa táinona úrillafue diga. Iemo táinona abi ínuafue bite, naa abina onóñenafue diga.

²³ Nana bie figóñedífuiái come erómona bite; bil-lano cómena íaire finode.

Jíáízie ingo Jesumo ínote

(Mt 15.21-28)

²⁴ Dinómona Jesús Tiro éniemo jaide, Sidón énie diga. Daa jofomo jaide. Buna ónoñeillena báinino jaide. Mei íadi afémie retáirinide.

²⁵ Iemo fiénidena jóriáiredíngo ei, ie íllana raire fidide. Billano Jesús anamo dújude.

²⁶ Afengo judío ingóñede; jíáízie ingo. Afengo énie mámeçi Sirofenicia. Afengo jízamo ite fiénide jóriái óllena Jesumo jícade.

²⁷ Mei íadi Jesús daide:

—Juzíñamui úruiaí raire nano fueñe güilleza. Juzíñamui úruiaí güille bairoda tóica jíco izoide comínimo ígadenia figóñede.

²⁸ Afengo uai ote:

—Uafue Ocuíraima; mei íadi úruiai güíllamona, ana cocídijiai, güirábani anamo ite jicótiruai güífirediaioi, —daide.

²⁹ Ie mei Jesús daide:

—Ua llotio. Iemona ja jáiredio, o jízamo ite fiénide jóriai jae oni jáideza, —daide.

³⁰ Afengo jofomo dúcina llezica, iníramo bíide jízana ciode. Fiénide jóriai ja ua aféngomona ñue oni jaide.

Jefona cacáiñede gogódime Jesús jíllotate

³¹ Nano íanori íllano Jesús ja Tiro éniemona bil-lano, Sidón énie dibénedo jaide. Afe mei Decápolis éniemo ite jófuiai dinedo jaide. Aféniedo jaillano, meine abido Galilea jóraimo dúcide.

³² Aféno mo jefona cacáiñede uaina jino figo baiñedime Jesumo atídiaoioi. Iemo izire jicádiaoioi Jesús aféniemo onoi bitállena.

³³ Ie jira Jesús náiraímona oni báinino íena uite. Dinomo Jesús dama ie onocai jefona cacáiñedime jefomo dutade. Ie mei Jesús dama ie onócaimo tuánuano afe úriñedime iife jetánote.

³⁴ Afe mei Jesús monamo érocaillanona comeci zúurenamonaa zegóricaiide. Zegóricailano íena daide:

—¡Efata! —daide. Afe uai jino dobáiñuano daina: túijicai.

³⁵ Afe llezica jefona cacáiñedime jefo túijicaide; ie iife ñue jíllode. Iemona aféme ja ñue úrite.

³⁶ Iemona Jesús íaioina rairuide:

—Jíáimacimo lloñeno iri, —daide. Jesús afe daií dígcaino íaioina rairuide. Mei íadi Jesús iere

rairuide íadi, áfena náfueñeno aféfuena baimo jino llócaidiaioi.

³⁷ Iemo nana comini iere jamánomo fáigacaidiaioi. Daidíaioi:

—Nana ñue finode. Afémie jefona cacáiñedimie cacáitate; uaina jino figo baiñnedimiena ñue úritade, —daidíaioi.

8

Jesús cuatro mil diga comini ecade (Mt 15.32-39)

¹ Aféruillaído aillo comini meine dáanomo gairídiaioi. Iaioi güille iñede. Ie jira Jesús ie llófuegamaci jírta, íaioina daide:

² —Bie náirairi dúcaidicue. Ja daruiámani benó cue diga itíaioi. Iaioi güille jae iñede.

³ Güiñeno íaioi jofomo orédicuenia, iodo báicana jáitiaioi. Dáarie jicana bitíaioiza, —daide Jesús.

⁴ Ie llófuegamaci uai otíaioi:

—Benó bu iñénaoza ¿minícana íaioi ecáredicaí?

⁵ Jesús íaioimo jicánote:

—¿Níga panes ómoimo ite? —daide.

Jira afémaci daidíaioi:

—Siete panes caimo ite, —daidíaioi.

⁶ Ie jira nana comini ana éniemo ráiitate. Iemo Jesús afe siete panes llínuano, Juziñamuina “Figora” daide. Daina mei, afe panes ditade. Daií ñeta, ie llófuegamacimo ite. Afe mei llófuegamaci comínido oni fecádiaioi.

⁷ Afémacimo due jiza chamu ite. Jesús Juziñamuina “Figora” dañano afe chamu fecátate.

⁸ Nana güitíai*oi*. Iemona ñue jeíredia*oi*. Ie mei güíllamona fiébidino siete diga cirigai iráidia*oi*.

⁹ Afe güitino cuatro milmo ánoziacade. Afe mei Jesús nana íai*oi* rainode.

¹⁰ Ráinua mei afémie raire ie llófuegamaci diga nocaemo jofo jaide. Iemo Dalmanuta éniemo jaide.

*Fariséuai uai dáinamona comuide onótate raa jicádia*oi**

(Mt 16.1-4; Lc 12.54-56)

¹¹ Iemona fariséuai Jesumo júfiduaibitia*oi*. Ie facátaiacadia*oi*. Iemona: “Monámona uaido comuide onótate raa caimo ácatari,” daídía*oi*.

¹² Iemo Jesús comeci zúurenamona izire zegóricaillano daide:

—¿Níbái mei bie nairai uáimona comuide onótate raa jicádia*oi*? Uáfuenta ómoimo lloticue, jaca onótate raana bu ómoimo fínoñeite, —daide.

¹³ Jira Jesús íai*oi* fíano meine nocaemo jaide. Iemo jorai enéfenemo jaide.

Fariséuaimo ite pan aillo fáitate raa izóidifuedo Jesús llote

(Mt 16.5-12)

¹⁴ Jesús ie llófuegamaci diga íai*oi* jailla llezica, íai*oi* ráiñuai féitatia*oi*. Dinó nocaemo fia daa pan íai*oi*mo ite.

¹⁵ Iemo Jesús íai*oi* ocuide:

—Omoí cacai. Fariséuaimo ite pan aillo fáitate raa izóidifuemona abí omoí rairuiri. Daje izói Heródesmo ite pan fáitate raa izóidifuemona abí omoí rairuiri, —daide.

¹⁶ Iemo llófuegamaci dani conímamo llotía*oi*:

—Ñibai cai pan iñena jírari, Jesús caina daií riire daide, —daidíaioi.

17 Jesús dani íaioi úrillana onóillano daide:

—¿Ñibái mei, “caimo pan iñede” dani jofo conímamo daiírediomi? ¿Nai fidíñediomi? ¿Nai omoi comécimo déiñede? ¿Omoi comeci nai iere riírede?

18 ¿Omoi uído cióñediomi? ¿Omoi jefodo cacáñediomi? ¿Nai cue finócafuena onóñediomi?

19 Naui cinco mil iññiai dígamiedemo afe cinco panes cue fecácamo, ¿niga cirigai fiébidinona iráidiomi? —daide.

Iemo daidíaioi:

—Doce dígagai cirigai, —daidíaioi.

20 Jesús nane daide:

—Daje izói cuatro mil iññiai dígamiedemo afe siete panes cue fecácamo, ¿niga oruide cirigai iráidiomi? —daide.

Iemo daidíaioi:

—Siete dígagai cirigai, —daidíaioi.

21 Iemo íaioina daide:

—¿Nai omoi comécimo jaca déiñede? —daide.

Betsaida jófuego ite uina cióñedimie Jesús jílolate

22 Ja Betsaida jófuego dúcidiaioi. Iemo uina cióñedimie Jesumo comini atidiaioi. Iena jetánollena izire jicádiaioi.

23 Uina cióñedimie ónoído llínota, jofue jinomo Jesús ie uite. Iemo fue fáicido ie uimo bitade. Afe llezica afémiemo onoi bitade. Afe mei íemo jicánote:

—¿Ja baca o ui cioide? —daide.

24 Jira uina cióñedimie érocaillano daide:

—Jii, comini mácana ciódicue, mei íadi uáfodo íaioina cióñedicue. Afémaci aménaiai izói cióidiaioi, —daide.

²⁵ Ie jira Jesús nane dáanomo ie uimo ie onoi jóonete. Afe mei afémie riire eroide. Iemo ie ui ja jíllode; ja afémie naga raana uáfodo ñue ciode.

²⁶ Ie mei Jesús ie jofomo ie orede. Iena daide:

—Jófuego jáiñeno iri. Afénomo ite cominimo, buna lloñeno iri, —daide.

Pedro Jesús Crístona maméinafue jino ñue llote
(Mt 16.13-20; Lc 9.18-21)

²⁷ Afe mei Jesús ie llófuegamaci diga, Cesarea Filipo éniemo jaide. Afénomo ite jéenide jófuiái dinedo jáidiaioi. Afe iodo íaioi jáillanomo, Jesús ie llófuegamacimo jicánote:

—Comini cuena ¿nie izói daidiaioi? —daide.

²⁸ Afémaci uai otíaioi:

—Dáamierie Juan Bautístadio daide. Jáimíiai Elíasdio daidiaioi. Ie jáimíiai jáie uai lloráimadio daidiaioi, —daí uai otíaioi.

²⁹ Iemo íaioina jicánote:

—Omoimona, ¿cuena bu daidíomoi? —daide.

Ie jira Pedro íena daide:

—O Crístodio, —daide.

³⁰ Iemo Jesús íaioina ocuide, aféfuena bumo llóñeillena.

Jesús ie tállifue fiditate
(Mt 16.21-28; Lc 9.22-27)

³¹ Iemo Jesús dama ie duere finóllifue como fueñe íaioimo llote. Lluano daide:

—Nanoide fima Jitódicueza íadi iere duere ze-fuítallicue. Eicomini cuena ruifíruitiaioi. Daje

izói lletáriraini illaini, ocuícáfue llófueraini diga cuena ruiífruitiaioi. Omoína daídicue, afémaci cuena méineitiaioi. Mei íadi daruíamani íllamona tíllanomona meine abido caifo náidacaiticue.

³² Afefue íaioimo ñue jino llote. Ie jira Pedro eneno oni Jesuna uite. Uillano Pedro Jesús íena lletade.

³³ Mei íadi Jesús meine gírecaillano ie llófuegamacimo eroide. Jesús Pedro létano daide:

—¡Mai cúemona oni jai! Satanás izóidimiedioza. O comeci Juzíñamui mamécana ónoñede. Dama bie éniemo dúidino úrilla izói úritio, —daide.

³⁴ Dáanomono nane Jesús ie llófuegamaci jíirite, nana jíaie comini diga. Iaioína daide:

—Cuedo jáiacadimie mai dama ie comeci jítaina féitari. Féitano cuedo biri. Daí cuedo bíllamona nibai afémie tíadiáfemo comeci fánide; cuedo bírede.

³⁵ Jaca ninomo íllena, dama ie abi rairuíacadimie dinó jaca raire líicaite. Mei íadi cue ícoína abi rairuíacañedimie meine jíllano líicaiñeite; daje izói, cue lloga ñúefue ícoína abi rairuíacañedimie zíiñona íite.

³⁶ Mei jíáifodo nana éniemo ite raa cai óiadi, mei íadi afe llezica cai zíiñona illifue niné féiadi, ¿nieze canócacai? ¡Canóñegacai!

³⁷ ¿Nieze íbárede da come ie zíiñona illafue abido óllena? Íbánide.

³⁸ Mei jíi, dáamie cuena meáiruiadi, abido afémiena meáruiticue. Daje izói bie minícana ínoñede fiénidimaci uiécomo cue lloga uaina meáruitimie, íena meáruiticue. Mei Nanoide íima Jitódicueza. Uire cue Moo aillo ñue máiriedo

bíticue. Nana ie ñuera abi imaci dïga bíticue. Aféruimo bie éniemo ite cuena meáruitinona, daje izói íaioina meáruiticue.

9

¹ Nane Jesús íaioina daïde:

—Uáfuenta ómoimo lloticue. Benomo itímacimona dáarie nai íaioi tíñenia Juzíñamui aillo ie ríinodo ie illáimana íllana cíoitiaioi, —daïde.

*Jesús abi jíáifodo méidoficaide
(Mt 17.1-13; Lc 9.28-36)*

² Seis dígarui íllamona, Jesús Pedro, Santiago, Juan dïga uite. Dani dígamie eneno caifónedumo afémie uite. Ja dinomo íaioi eróicana afémie abi jíáifodo méidoficaide.

³ Ie ínícuro quénicuirona jaide, ua iere úzerede jaíllici izói. Bie éniemo finódino ínirona afe izói úzeretanidiaioi.

⁴ Afe llezica Elías, Moisés dïga Jesumo úrillana cíodiaioi.

⁵ Jira Pedro Jesuna daïde:

—Llófueraïma, ñi cai benomo ñue illa. Daámani jofóchupi ómoïena cai finolli, daa óchupi, jíáie Moisés ichupi, jíáie Elías ichupi, —daïde.

⁶ Afe dáanomo ie llófuegamaci iere jacínaificaidiaioi; jacínaillano Pedro ñie izói dáinana onóñenano daí daïde.

⁷ Afe llezica íaioïmo mona uíllie ana bite. Bil-lano afémacina ferínote. Afe mona uílliemona daa uaina cacádiaioi. Llote:

—Bie cue izíruiga Jitó. Afémiemo cácarei, —daïde.

⁸ Afe llezica, nágafene eróroidiaioi íadi íaioi dïga buna cíóñena, dama Jesús.

9 Idumona ana bitíaiοimo Jesús afe íaiοimo ciónafue jíaiοmacimo llúana rairuide. Iaiοina daide:

—Nanoide hima Jitódicue. Uire cue tíllinomona meine abido cáadimiena cue illíruimo afe omoi ciónafuena llóreitiοmoi, —daide.

10 Ie jira aféfuemo dani comécidiaiοi. Mei íadi afémie tíllinomona abido cáadimiena illífuenta jícanofirediaiοi:

—¿Minícana íite? —conímana dani daidíaiοi.

11 Ie mei Jesumo jícanotiaiοi:

—¿Nibái mei ocuícáfue llófueraini daiífirediaiοi, caina illáimate Mesías dainámie uícodo Elías raire biite? —jícanotiaiοi.

12 Afémie uai ote:

—Iere uáfue Elías raire cue uícodo bite. Ua billano nana meine ñue jaícina fínuaibite. Iemo, mei Nanoide hima Jitódicueza, cue billáfuedo ¿nie izói Juzíñamui Cuegáuai daide? Aféuai bie izói daide: “duere zéfuiticue” daide. Daje izói “comini cuena jámairuitiaiοi” daide.

13 Mei íadi ómoína daidicue, Elías ja bite. Dani afémaci óiacana izói afémiemo finódiaiοi. Mei Cuegáuai uícodo daina izói, afe izói ja afémiemo zuide, —daide.

*Jesús fíenidena jóriarede dúemie jíllotate
(Mt 17.14-21; Lc 9.37-43)*

14 Ie mei ja jíaiοe llófuegamaci illánomo Jesús daámami caifónedumo uigámaci diga meine bitíaiοi. Billano aillo comini íaiοimo gairíllana ciódiaiοi. Ocuica uai llófueraini dánomo ite. Afe llezica afémaci Jesús llófuegamacimo júfidotiaiοi.

15 Ie mei Jesuna cióillano iere fáigacaidiaíaiοi. Afémiemo aizícana uáiduaidiaíaiοi.

16 Ie jira Jesús ie llófuegamacimo jicánote:

—¿Minica afe ocuica uai llófuerañimo júfidotiomi? —daide.

17 Afénomo itímacimona daa uai ote:

—Llófuerañima, benó omo cue jitó atídícue. Fiénide jóriai afémie uáinino finode.

18 Náganomo ie jáiadi afe jóriai ie uánona ana dotáfirede. Ja dinomo fuedo mulléfirede; afe llezica ízie mutúricaide. Iemona ie abi iere naillíbicaide. O llófuegamacimo fiénide jóriai jino óllena jicádícue, íadi afémaci ónidiaíoi, —daide.

19 Jira Jesús uai ote:

—¡Aiii, Juzíñamuimo íñoñedimaci! ¿Nie dinó ómoiri íítícue? ¿Nie dinó ómoína mozóitícue? Bené dúemie ati, —daide.

20 Jira atídíaíoi. Afe jóriai Jesuna cióillano, afe dúemie abi meine cuidítate. Cúidiamona afémie éniemo baide. Dinomo jabíoicaide. Fuedo mulléoi.

21 Jira Jesús ie moomo jicánote:

—¿Ja nié dino daí ite? —daide.

Jira moo daide:

—Jaca ie dúenamona.

22 Diga ícaiño fiénide jóriai afémie iraimo dotáfirede. Daje izói illemo dotade ie titállena. Minícana cairi o finórenia, mai cairi fino. Cairi dúecairi. Cai cano, —daide.

23 Jesús íena daide:

—¿Nibái mei “O finóreniadi cai cano” cuena daidío? Daí daíño iri, mei Juzíñamuimo ínotimiemo naga raa finóredeza, —daide.

24 Ie jira afe úrue moo caillíoicaide:

—¿ñinoticue! Cue cano jamánomo cue ñinolleza, —
daide.

²⁵ Jesús aillo comini ofíllana cióillano, fiénide jóriai
riire lletade. Daide:

—Uáinitade jóriai, cacáitañede jóriai, o jino jáillena
ja ocuídicueza, ¡jai! ¡Bie úrue fáinocai! Meine abido
íena oñeno iri, —daide.

²⁶ Iemona jóriai caillide; cáilliano dúemie meine
nane riire cuidítate. Cuidítajano oni jaide, íadi afe
dúemiena tíide izói finode. Jira aillo comini:

—Ja tíide, —daidíaiói.

²⁷ Mei íadi Jesús ónoído llíinota caifo dúemiena
naidánete. Iemona afémie ñue jílloda náidacaide.

²⁸ Ie mei Jesús daa jofomo jofo jaide. Afe mei ie
llófuegamaci eneno íemo jicánotíaiói:

—¿Ñibái mei fiénide jóriaina ónidícai? —daidíaiói.

²⁹ Jira Jesús daide:

—Bie izói jóriai dama Juzíñamuimo úrillado, íemo
fímairillado jino orérede, —daide.

Jesús ie tíillifue meine fídítate

(Mt 17.22-23; Lc 9.43-45)

³⁰ Afénomona íaiói jaillano Galilea éñiedo
jáidíaiói. Jesús báinino jáiacade bu óñoñeillena.

³¹ Mei aféruillaido Jesús ie llófuegamacimo
llófullofuedeza. Afémiemo zúillifue íaióimo llote.
Lluano íaióina daide:

—Nanoide fima Jitódicueza íadi uire náiraimo
izájillicueza, cue íaiói fállena. Mei íadi daruíamani
cue tíillanomona meine abido cáadimiena íitícue,
—daide.

³² Mei íadi afémaci ie dáinana onóñediaíói. Daje
izói íemo jicánuana jacírúitíaiói.

¿Bu iere jamánomo áillomiēna?

(Mt 18.1-5; Lc 9.46-48)

³³ Iemo afémaci Capernaumo dúci diaioi. Jofomo íaioi illa llezica, Jesús íaioimo jicánote:

—¿Minícafue iomo júfidotiomoí? —daide.

³⁴ Mei íadi jaca uaina oñédiaioi. Mei jae iodo júfidotiaioi, ¿bu cáimona jamánomo áillomiēna illa?

³⁵ Ie jira Jesús ana ráinaillano, ie doce diga llófuegamaci jírite; daide:

—Dámie raire uiécodo áillomiēna jáiacaniadi, nano fueñe iere jamáimiēna írede; daje izói nana comini canóraimana írede, —daide.

³⁶ Iemona Jesús daa úrue llínuano íaioi cigimo jóonete. Ie mei ie ónoído íena llirínuano comínina daide:

³⁷ —Bie úrue cue mámecido llínotimie dájena cuena llínote. Daje izói cuena llínotimie dama cue llínoñede, mei íadi cue orédimiēna cue abido llínote, —daide.

Caina éoñedimie cai dibénemo ite

(Mt 10.42; Lc 9.49-50)

³⁸ Iemo Juan Jesuna daide:

—Llófueraima, dámie ciódicai o mámecido fiénide jóraí jino orede. Mei íadi caido jáiñena jira íena rairuídicai.

³⁹ Mei Jesús daide:

—Rairuíñeno iri. Mei daí cue mámecido ciórainina raa finódimie ñüemie. Daí finódimie afe finua méifomo raire cuedo fieni úrinide,

⁴⁰ Mei caina éoñedimie ua cai dibéfodo itimie.

41 Jíáie come cue mámeçido omoi jirótaadi, mei Crístomo omoi jainaina jira, afe jirótatimie uáfueña ie jirídolle raa líinoite, —daide.

*Fiénidifueño baiñena iere jacírede
(Mt 18.6-9; Lc 17.1-2)*

42 Jíáie come, bie cuena ínote dúemie fiénidifueño baiñtaiadi, afe come fiénide. Baiñtatimie mona figora, cimoimo áillue noñcina cúinano monáillaimo dotárede.

43 Dama o onoi fiénidifueño o baiñtaiadi, afe o jaitari. Júbezi onoi ðiga ziiño ñue illafue Juzíñamuimona o maiñóadi, iere ñuera. Mei nágafezi onoi íadi “comini duere finolle iraimo” o dotábicaiaadi, iere figóñede. Afénoimo ite irai dúitanide.

44 Afénoimo ite aigíroiaí tíñediaioí; afe aigíroi, afeno itímacina ziiñona duere fínoitiaioí. Afe irai jaca dúíñede.

45 Daje izói o ídai fiénidifueño o baiñtaiadi, áfena jaita. Júbene íðainide o illa llezica ziiño ñue illafue Juzíñamuimona o maiñóadi, jamánomo ñuera. Mei jíáifodo iraimo o dotábicaiaadi ñue mena íðairedimie o íadi, iere figóñede. Afénoimo ite irai dúitanide.

46 Afénoimo ite aigíroiaí tíñediaioí; afe aigíroi, afeno itímacina ziiñona duere fínoitiaioí. Afe irai jaca dúíñeiteza.

47 Daje izói o uiji ona íðadaitaiadi, mai afeji cuerónori. Ua júbene fíidimie Juzíñamui illáimana illánomo o jáiaadi, jamánomo ñuera. Mei íadi nágaillinoí uíjiredimie o illa llezica, iraimo o dotábicaiaadi iere figóñede.

48 Afénomo ite aigíroiaí tíñeitiaíoi; afe aigíroi afeno itímacina zíñona duere fínoitiaíoi. Afe irai jaca dúñede.

49 Mei nana fia fecaca Juzíñamui ióbitalle jobaica rílleniaímo salna jónefirediaíoi, afe fecaca rille ñue íllena. Daje izóí nana raamo cai jírinafuiaido ñue íredicaí. Aféfuiaí irai come uzilla izírena izóí caina izi cácataite, Juzíñamui anamo ñue cai íllena.

50 Sal ñuera; mei íadi afe sal ie cáimana féiaí, ¿minícado afe sal meine abido cáimacaitarede? Mai dani conímaiaína caimátaillafue dibénemo omoi iri. Afe llezica comeci caimare uái illáfuemo dani conímaiaína ífireiri.

10

*Jesús, naga come ie aina oni dótana rairuide
(Mt 19.1-12; Lc 16.18)*

1 Jesús ja Capernaúmona oni Judea éniemo jaide. Ua Jordán ruicáfellemo ite éniemo jaide. Iemo aillo comini ie illano dinó meine abido gairízaibitiaíoi. Iemona Jesús ie ífirena izóí íaioina llófuete.

2 Iemo fariséuaímona dáarie Jesuna fieni facátaibitiaíoi. Jesumo jicánotiaíoi:

—¿Mei nibai dáamie ie aina oni dótajana rairuírede, nibai ráiruiñega? —daídíaíoi.

3 Iemona Jesús uai ote:

—¿Ñíe izóí Moisés ómoína ocuide? —daide.

4 Jira íena daídíaíoi:

—Moisés llote, dáamie ie aina oni dotáacanamona, afémie dinena aféngona “jae ai oni dotaina rabe” cúerede. Ie mei daií oni dotárede, —daídíaíoi.

5 Iemo Jesús íaioína daide:

—Moisés afe uaina ómoimo llote, mei omoi comeci ifue iere riíredeza.

⁶ Mei íadi nano fueñe, Juzíñamui nana ráaniaina comuítaja llezica, “afémie iima ringo diga íaillinoína comuítate.”

⁷ “Te jira naga iima, ie ai úamona, ie moo ei diga fiénocaillano, oni dáanomo ítiaillinoi.

⁸ Daií ie ai onónamona afe íaillinoi daa come izóidena jáitiaillinoi.” Ja mena cómeñediaillinoi, dama daa cómedeza.

⁹ Ie jira Juzíñamui dáanomo jóonegaiailinoi, comini oni dotánide, —dinori Jesús daide.

¹⁰ Ja jofomo Jesús naa ie llófuegamaciri dúcinamo, ie llófuegamaci aféfuena Jesumo meine abido jicánotiaioi.

¹¹ Jesús íaioína daide:

—Afe ai oni dotádimie jiáie ai óllena, dotaca ringo dibénemo afémie jiruifue finode.

¹² Daje izói ini oni dotádingo jiáimie mo iníreillena, afengo jiruifue finode.

*Jesús úruiaí ñue íllena finode
(Mt 19.13-15; Lc 18.15-17)*

¹³ Ie mei Jesumo úruiaí atídiaoí, íaioimo ie onoi bitállena. Mei íadi llófuegamaci atídinona rairuide, íaioi átiñeillena.

¹⁴ Jesús áfena cióillano ríicaide; jira íaioína daide:

—Rairuíñeno iri. Fáinocai úruiaí cuemo bílleza. Íaioína llótadoñeno iri. Juzíñamuimo jaináidino ua afe bie úruiaí izói itíaióiza.

¹⁵ Uáfueña ómoína daidícue, Juzíñamui illáimana íllana jíeruiredicai. Uruiaí áfena jíeruilla izói jíeruiredicai. Mei íadi nana afe izói jíeruíñedinona Juzíñamui ie caimare illínomo jofo óreñeite.

16 Iemo úruiaina llirínuano, ie onoi íaioimo bíitano íaioina ñue finode.

*Ráarede jitócome Jesús diga úrizabite
(Mt 19.16-30; Lc 18.18-30)*

17 Jesús meine abido jáizaidemo, dáamie aizícana Jesús anamo dújuzaibite. Dújuillano jicánote:

—Ñue Llófueraima, ¿nie izói íiticue ziiñona cue illino cue óllena? —daide.

18 Jira Jesús daide:

—¿Ñibái mei cuena fígomie daidio? Ímamona buna fígomiena iñede. Dama Juziñamui fígomie.

19 Ocuícafuiaina onódio:

“Jíáima ai diga iñeno iri;

come fañeno iri;

meríriñeno iri;

bumo taino lloñeno iri;

jíáima jífueñeno iri;

o moo, o ei diga ñue cacáreiri,” —Jesús daide.

20 Afémie uai ote:

—Llófueraima, nana aféfuiaina cue jitócomenamona jeire ófiredicue.

21 Jesús afémiemo éroicaillano íena izíruite; daide:

—O dafue nai jeire oñédio. Mai nana omo ite raa fécajiri. Fécajano afe iba dúeredimacimo ine. Iemona jamánomo jirídolle izoide raa monamo omo iite. Daí o finolle mei, cuedo bii. Mei cuedo o bíllamona o tíadi, áfena náfueñeno benó biri. Coco jai, —daide.

22 Mei íadi áfena cacáillano, afe íima zúucaide. Ua zuure oni jaide, aillo ie ráaniai illa jira.

23 Ie mei Jesús abido comínimo éroicaillano, ie llófuegamacina daide:

—¡Nii féirena ráaredimie Juzíñamui illáimana illáruimo jofo jáillena! —daide.

²⁴ Jira llófuegamaci aféuairi iere fáigacaidiaioi. Jesús meine nane daide:

—¡Uruiái, nii féirena úcubena ínotino Juzíñamui illáimana illáruimo jofo jáillena!

²⁵ Camello eedo uífodo jailla jamánomo juánide, mei íadi ráaredimie Juzíñamui illáimana illáruimo jailla iere juárede, —daide.

²⁶ Afena cacáillano, jacínaificaidiaioi. Dani conímamo jicánotiaioi:

—¿Mei bu jílloille? —daidíaioi.

²⁷ Jesús íaioimo eróillano daide:

—Afena comínimo finónide; mei íadi Juzíñamuimo finórede. Juzíñamuimo finónide raana iñede, —daide.

²⁸ Jira Pedro íena daide:

—Ocuíraima, nana caimo ite raana fiénocaidicai o diga cai jáillena, —daide.

²⁹⁻³⁰ Jira Jesús uai ote:

—Uáfueña ómoína dáitícue, naga come cue ícoínia íemo cue lloga jílloñafue ícoínia diga, ie jofo, ie ámatiaí, ie mirínguai, ie moo, ie ei, ie jitótiaí, ie jacáfaiái dieze afémie fiénocaiadi, uáfueña meine llínoite. Ja bie éniemo cien dígcacaiño afe baimo jofue, ámatiaí, mirínguai, éitiaí, jitótiaí, jacáfaiái llínoite. Uafue, dieze llínoite duere zefuúllafue diga íadi. Ie mei monamo ziiñona illino llínoite.

³¹ Aillo biruúllaido nánoraimaci uire ódaidimacina jáitiaioi. Daje izói aillo biruúllaido ódaidimaci uire nánoraimacina jáitiaioi, —daide.

Dáanomo Jesús ie tíillifue llote

(Mt 20.17-19; Lc 18.31-34)

³² Ja Jerusalén iodo jáizaidiaioi. Jesús ie llófuegamaci uícodo jaide. Comeci iere facábicaidiaioi. Jiáie íedo jáidino jacíruioicana afémiedo jáidiaioi. Jira Jesús doce diga llófuegamaci eneno uáidote. Ianori íllamona íemo finóllifuenta abído íaioimo llote.

³³ Daíde:

—Mai omoi cacai. Nanoide íima Jitódicueza. Jerusalemo jáizaidicaí. Mei íadi dínomo lletáiraini ílláiniaimo ízájillicue. Daje llezica ocuica uai llófuerainimo ízájillicue. Iemo afémaci cue titállena ócuitiaioi. Onínemacimo cuena ízájítiaioi.

³⁴ Cueri jífánodoítiaioi. Cuena tícoítiaioi. Cue túallaitiaioi. Cue titaitiaioi. Mei íadi daruíámani íllamona tíllanomona meine abído cáadimiena ííticue, —daíde.

Santiago Juan diga uire uícoinafue Jesumo jícádiaillinoi

(Mt 20.20-28)

³⁵ Afe mei Zebedeo jító íaillinoi Santiago Juan diga, Jesumo jícajidiaillinoi; daídíaillinoi:

—Llófueraima, coco jícalles jítaigafuenta cócomo lloiri, —daídíaillinoi.

³⁶ Iemona Jesús íaillinoína daíde:

—¿Mínica mei ómicoimo cue finóllena jítaídíomícoi? —daíde.

³⁷ Iemo íena daídíaillinoi:

—Uire o ebírede ílláimana íllíruido, cócomona dáamie o nabézimo, jíáimie o jarífezimo cócona o ráinatari, —daídíaillinoi.

³⁸ Iemona Jesús íaillinoína daíde:

—Dai jícadíomícoi íadi abina onóñediomícoi. Cue duere zéfuillífue izói, ua erírede jirole júrua izói, ¿zéfuiredíomícoi? Daje izói cue izire tíizaillífue izói, ¿tíizairedíomícoi? —daide.

³⁹ Iemo uai otíaillinoi:

—¡le mei! Afena ocuíredícoco, —daídíaillinoi.

Jira Jesús íaillinoína daide:

—Uáfueña dáitícue, cue duere zefuillífue izói, duere zéfuitíomícoi. Cue izire tíille izói, tíitíomícoi.

⁴⁰ Mei íadi cue nabéfenemo, cue jarífenemo ómícoi ráinallena, cúemona llónide. Afe ráinallino dama Juzíñamui maméinamacimo dúide, —daide.

⁴¹ Jáie diez díga llófuegamaci afefue cacáillano, Santiago Juan dígamo ícírítiaíoi.

⁴² Iemo Jesús íaíoiína jíirillano, íaíoiína daide:

—Onódiomíza, náiraiáimo illáimaifíredino riire ocuídillaini dani jáidiaíoi, comínina náamatallena. Aféllaini cígiri ite ríimaci, íaíoi ríinona izire comínimo cácatatiaíoi.

⁴³ Mei íadi omoi cígiri afe dai íñeítíomíoi. Mei jíáífodo omoi dibénemo illáimana íacadímie, omoi canófíredímiena jáirede.

⁴⁴ Daje izói ómoimona ocuíacadímiena íacadímie, nana jíáimaci anamo íaíoi táijítagamiena írede.

⁴⁵ Mei jíi, Juzíñamui oreca Nanoide fima Jitódícueza. Mei íadi jíáimaci cuena canóllena bíñédícue. Mei jíáífodo nana comínina cánuaíbitícue. Uafue áillomaci íaíoi fiénidífuemona zuitalle izói, íaíoiína cue jíllotallena tíizaíbitícue, —dinori Jesús llote.

*Jesús uínidimie Bartimeo jállotate
(Mt 20.29-34; Lc 18.35-43)*

⁴⁶ Jae Jericomo dúcidiaioi. Afe jófueмона Jesús jino jáidemo ie llófuegamaci diga, naa aillo comíniri, uínidimie io fuemo ráiide. Afémie Timeo jitó, Bartimeo. Dino afémie úcube jicáfiredé.

⁴⁷ Nazaret ímie Jesús áinozillano fidíillano, uínidimie jírriocaide:

—¡Jesús, jaiai illaíma David Jitó, cuemo dúecai! —daide.

⁴⁸ Aillo comini íena rairuídiaioi ie llícaillena; íadi jaca nai jamánomo jírriode:

—¡David Jitó, cuemo dúecai! —daide.

⁴⁹ Ie jira Jesús uái náidaillano daide:

—Afémie uaido, —daide.

Jira uínidimie uáiduano íena daidíaioi:

—Abi mame. Náidacai. O uáidoteza, —daidíaioi.

⁵⁰ Jira ie emódodiroi duíñuano iere raire náidacaillano Jesumo bite.

⁵¹ Jira Jesús íemo jicánote:

—¿Minica omo cue finóllena jitáidío? —daide.

Jira uínidimie uai ote:

—Llófueraima, cue úreacadícue, cue eróillena, —daide.

⁵² Jesús íena daide:

—Mai o jairi. O ínuamona jae jállodioza, —daide.

Afe llezica uínidimie ciode. Iemona Jesús jáillado afémie jaide.

11

*Jesús illáimana Jerusalemo jofo jaide
(Mt 21.1-11; Lc 19.28-40; Jn 12.12-19)*

¹ Jerusalemo áinozillamona, Jesús mena llófuega íaillinoi úcomo orede. Jae Betfagé jofue, íemo jíái Betania jofue diga áinomo itíaiói. Dáanori Olivo daína ídumo itíaiói. Iaillinoi óriano daide:

² —Úícomo ite duera jófueмо ómicoi jai. Omicoi dúcille llezica cuinaca duera búrrona cíoitíomicoi. Nai áfedo buna ráiñena. Zúitajano cuemo ati.

³ Bu ómicoimo jícanoíadi ¿ñibái ómicoi zuitaca? íena dáitio: “Ocuíraíma Jesús jitailla jira. Ie mei raire meine omo atille,” —daide.

⁴ Afe íaillinoi jaillano jino naze fue iori cuinaca búrrona baizájidiaillinoi. Afe zuitádiaillinoi.

⁵ Dáamie dino itínomona íaillinoína daide:

—¿Mínica ñetíomicoi? ¿Ñibái burro zuitádiomicoi? —daide.

⁶ Jira uai otíaillinoi Jesús íaillinoína daína izói. Ie jira:

—Jii, mai ui, —daídíaíoi.

⁷ Iemona búrrona Jesumo izájidiaillinoi. Izájillano íaiói inícuirona burro emodo jobédiaíoi. Ie mei dínomo Jesús caifo ráinade.

⁸ Aillo comíni íaiói iniroi iomo jobédiaíoi. Jáímaci íbiaírede amena rábaillai otá iomo jóonetiaíoi.

⁹ Uícoídímaci ódaídímaci diga jíríoiicaidiaíoi:

—¡Ebírede! ¡Juzíñamui mámecido bitímie caimáreficairi!

¹⁰ ¡Como íacade illáímana illino caimare comuiri! ¡Ua cai jaiáigíma comuídímie David illáímana illino ñue móonairi! ¡Juzíñamui ebírede rafue daíri! —daídíaíoi.

¹¹ Ja daí Jesús Jerusalemo jofo jaide. Jailano Juzíñamuimo gairíracomo jaide. Nágafenemo

eróirioicaillano jino Betániamo jaide, naa ie doce diga llófuegamaciri, mei ja nauídeza.

Jesús llizíñede higuera daina amena faidode

(Mt 21.18-19)

¹² Afe jiáiruideo Betániamona jino abido billano, Jesús jufíruite.

¹³ Macádiaioimo ñue íbiairede higuera aménana Jesús jicana ciode. Iemona dinomo jaide afénamona nibai ie llizíllajiaina óllena. Mei íadi Jesús dúciillano, hígojiaina baiñede. Afe amena táinona fia íbiairede, mei aféruimo hígonino nai dúciñedeza.

¹⁴ Iemo Jesús afe aménana fáiduno daide:

—Jaca benómona buna bie amena llizíñenamona ie llizíllajiaina rieñeiteza, —daide.

Daí ie dainana ie llófuegamaci cacádiaioi.

Juzíñamui gairíraco Jesús duano ñue finode

(Mt 21.12-17; Lc 19.45-48; Jn 2.13-22)

¹⁵ Ie mei Jerusalemo meine dúcidiaioi. Juzíñamui gairíracomo Jesús jofo jaillánona, dinomo ráaie fecádino íbároidino diga jino júuaide. Ucube méidoraini ibani Jesús caitade, fíicirillai fecádino ráiraniai diga.

¹⁶ Afe gairíracomo buna minícana úiñellena afémie rairuide.

¹⁷ Iaioi llófuete:

—Juzíñamui Cuegáuai daide: “Cue jofo ua nana náiraímo Juzíñamuimo úrille illácona mameide,” mei íadi meríritino illano jae afénona finódiomoi, —daide.

¹⁸ Lletáriraini illaini, ocuícáfue llófueraini diga afe ie finócafueña fidídiaioi. Iemona afémie fállena

jenódiaioi. Iena jacíruitiaioi, afémie llófueinafueri nana nairai iere fáigacaideza.

¹⁹ Ja nauízaidemo Jesús afe jófue mona jino jaide, naa ie llófuegamaciri.

Nauí ciona higuera amena jae zaférede duíraína jaide

(Mt 21.20-22)

²⁰ Afe jíáiruido, jítiramo meine abido Jerusalemo íaioi billano, nauí ciona higúerana abido cíodiaioi, mei íadi birui afe amena nana ie jáinauairi zaférede duíraína ja jaide.

²¹ Iemo Pedro comeci uíbicaillano, Jesuna daide:

—¡Llófueraima, erói! O faidoca higúerana ja duíraína zaféreficaide, —daide.

²² Jesús íaioimo uai ote:

—Juzíñamuimo mai omoi íñofireiri.

²³ Uáfuena ómoína dáitícue, dáamie jizíñeno nana ie comécido ínuamona, bie caifóneduna ocuícana daíadi, “Benómona oni íi; jóraimo dotábicaíri,” afe ie dánana ua zúite; afémie jeire ua llezica, afefue daíí afémiemo íficaite.

²⁴ Ie jira ómoína dáitícue, Juzíñamuimo omoi úrillano jicaca raa, ja nibai o llínoga, áfena mai o íñofireiri. Iemon afe jicaca raa óitíomoi.

²⁵ Nágaruido Juzíñamuimo o úriadi, jíámiena o éoiadi, mai íemo o comécimo ite íaífue féitari. Daíí o finori, monamo ite omoi Moo Juzíñamui ómoimo ite íaífuaí dólleña.

²⁶ Iadi o abi ímie iba omoi óiadi, monamo ite omoi Moo Juzíñamui, ómoimo ite íaífuaína dóñeite.

*Jesumo ocuille uai ite
(Mt 21.23-27; Lc 20.1-8)*

²⁷ Iemo Jerusalemo abido bitíai*oi*. Jesús gairíracomo maca llezica, lletáriraini illaini íemo áinozidia*oi*. Afe llezica ocuica uai llófuetino afémiemo gairídia*oi*, éicomini diga.

²⁸ Nana íemo jicánotia*oi*:

—¿Bífui*ai* fínuana, bu o ocuilla? ¿Bu ríinodo bie raa finódio? —daií daidía*oi*.

²⁹ Jesús ía*oi* uai ote:

—Omoimo daa rafue jicánoití*ue*. Cuemo uafue omoi lló*ia*di, bífui*ai* cue finoca ríino ómoimo llóití*ue*.

³⁰ ¿Bu mei ocuica báutizallena Juan? ¿Juzíñamui niba*i* ocuica, niba*i* comini? Mai fáirio, —daide Jesús.

³¹ Ie mei afémaci dani júfidotia*oi*; daidía*oi*:

—Juzíñamui ocuica cai daiíadi, Jesús caina fairíoite: “Iemona ¿niba*i* mei íemo íinoñediomo*i*?”

³² Mei íadi comini ocuica, daiínidica*i*, —daidía*oi*.

Comínina jacíruillano daií úritia*oi*. Ja onódia*oi*za, nana comini Juamo ñue comécidia*oi*: “Ua Juzíñamui uaido Juan úrite,” daidía*oi*.

³³ Iemona Jesuna daidía*oi*:

—Onóñedica*i*, —daidía*oi*.

Ie mei Jesús ía*oi*ina daide:

—Ñe ríinodo bie raa finódic*ue*, daje izói ómoimo llóñeitic*ue*, —daide.

12

*Comini fáfirede tájidino jíaifuena caina onótate
(Mt 21.33-46; Lc 20.9-19)*

1 Iemona Jesús íai*oi* onóigafuiaido íai*oimo* úrizaide; íai*oina* daide:

—Nauí dáamie jíriconai izoide raa rizájide. (Afe jíricue izoide raa rínano viñédona mameina.) Afémie afe rillano ie abi cirínora finode. Ie mei afe jíricona eroide úvaiaí zaizíraco finode, afe llizilla iji íai*oi* óllena. Nane are caifo jacafai cigí úiñoraco afémie nite, afe rigano ñue úiñollena.

‘Ie mei afe énie naama dáarie táijitaganomo ie rigano fecade, áfena íai*oi* úiñollena. Afémie daií fécano oni jica jíáie éniemo jaide.

2 Jíriconino llezica, ritímie ie ocuícamié afe táijitagamacimo orede, íeiena mameide llizíllajiaí dieze óllena.

3 Mei íadi afe uáibitimiéna llaitádiai*oi*; lláitano íai*oi* faga. Daií ñeta ria íemo fecáñeno oni íena orédia*oi*.

4 Ie jira afe naama nane jíáie ocuícamié orede. Mei íadi afe orécamiéna nófiedo níjidia*oi*. Níjiano ie ifona íai*oi* bofeca. Iemo fiéni íena úritia*oi*.

5 Daje izói nane jíáimie orede. Afémie íai*oi* titaca tíide. Afe mei diga icaiño aillo jíáie ocuícamiéna dinomo oréoi*de*. Afe orécamacimona dámerie fia faga; jíáimaci tícoizitia*oi*.

6 ‘Nai dáamie naama dibénemo ite. Daa afe naama jítana fiébite; iere ie izíruigamié. Iiraicaiño ie jító orede. Comeci facade: “Afémaci ñue íemo comécillano íena ñue ínoitia*oi*; ie dáina uaina jeire óitia*oi*,” daide.

7 Mei íadi táijitagano dani afémaci úritia*oi*: “Bímie níbai ie moo feci raa máíñoitimie. Mai ie cai faa, ie mei cai náamatallena.”

⁸ Ie jira íai*oi* llaitaca; íai*oi* titaca tíide. Ie mei ie abi raiñeno afénomona oni dotaca.

⁹ Ie mei Jesús jicánote:

—¿Nie izói bie énie naama afe fiénidinona fínoite? Billano afe táijitaganona títaite. Ie mei afe jíricore izóidino jíáie úiñoraimacimo fécaite.

¹⁰ ‘¿Jai*ai* Cuegáuaina nai facadoñedi*oi*? Afe uai bie izói daide:

Jofo níraini oni fádoica nófie, ja ñuera jíalliraina jaide.

¹¹ Bie cai Ocuíraima fínoca.

Iere jamánomo ebire caimo cíoide.

Dinori Jesús úrite.

¹² Iemona Jesuna llaitáacadia*oi*, llavéllena. Mei ja onódia*oi*za, Jesús bie onóigafuedo íaioina uáitate. Mei íadi comínina jacíruillano, Jesús jetáñeno íena fiédia*oi*. Fíano oni jíáinomo jáidia*oi*.

*Gobierno íbátaga úcube cai íbállena Jesús llote
(Mt 22.15-22; Lc 20.20-26)*

¹³ Afe mei fariseo illáicomíni afémacimona dáarie Jesumo orédia*oi*. Daje izói Heródemo jaináidinomona orédia*oi*, Jesuna úritallena, afe ie uaido taino íeri nitállena.

¹⁴ Bimaci billano íena daidía*oi*:

—Llófueraima, onódicaiza jíáimaci ie lloga uai íñoñeno, o jaca uáfuena úrifiredio. Comíni jínofene ciona izói riire jicánoñedio. Mei jíáfodo Juzíñamui lloga cai ñue illafue jífueñeno jino llófuetio. ¿Mei iere riiredillaima ocuica úcube íemo fecáredicai, níbai fecánidicai? ¿Afe cai fecállifue figora, níbai figóñede? —daidía*oi*.

15 Mei íadi Jesús íaioi uáfodo úriñenafuena onode. Ie jira íaioina daide:

—¿Ñibái mei cue jánari táinona úritiomoi, cue llaitállena? Daa úcubetuni cuemo ati, cue eróillena, —daide.

16 Afétuni atídíaioi. Afe eróillano Jesús íaioimo jicánote:

—Bie uiéco jana, ¿bu ie? Benomo cuega mámecei ¿bu ie? —daide.

Afémaci fairíotiaioi:

—Ríredillaíma ie, —daidíaioi.

17 Iemo Jesús íaioina daide:

—Ríillaíma ie raa íemo abido ine. Daje izói Juziñamui ie raa íemo abido ine, —daide.

Afémacina ie dáinari iere comeci jiaífofcaidiaioi.

Tíidino meine abido cáadena íllena jicánotiaioi

(Mt 22.23-33; Lc 20.27-40)

18 Ie mei saduceo imaci dáarie Jesumo úrizaidiaioi. Bimaci tíidino meine abido cáaillena lloñédiaioi. Ie jira bie taino lloga rafue Jesumo jicánotiaioi. Nai jicánoñenia fueñe daidíaioi:

19 —Llófueraíma, Moisés jaiáimona caimo cuegáuai daide: Daa íima áiredímie ie úrue nai íñena llezica tíadi, ie ama afe ofaiño óite. Aféngomona daa jitó comúrede ie ama tíidímie íena. Daí daina mei jicánotiaioi:

20 ‘Mei nauí siete dígade ámatiaí cai cígimo ite. Nanóidímie áirede. Afémie jítónino tíide.

21 Nanóidímie emodo ímie ie ama fecingo ote. Daje izói jítónino tíide. Daje izói nanóidiaillinoi emodo ímie afe fecingo uano jítónino tíide.

22 Nana afe siete dígamiiai nanóidimie fecingo otíaiioi. Afémacimona daa jitona comuñede. Afe ícoimo afe fecingo tíide.

23 Ie jira meine abido cáailiruimo ¿bumo afengo dúide? Mei siete dígamie daango otíaiioiza, — daidíaiioi.

24 Mei jira Jesús fairíote:

—Omoi onóñeno fiēni comeci facádotiōmoi, mei Juziñamui Cuegáuaina onóñediōmoiza. Daje izóí ie riinona onóñediōmoiza.

25 Mei tíidino meine abido cáaille llezica aina óñeitaiioi. Afe izóí íaiioi jízanaiaina iníretatañeitaiioi, mei monamo ite Juziñamui abi imáciai izóitiaioiza.

26 Mei íadi tíidino meine abido cáailífue dibénedo llogáfuenta ¿nai facádoñediōmoi? Afefue Moisés cuegánicomo ite. Aféruimo Juziñamui Moisémo boode raroci cigido úrite. Bie izóí íena daide: “Dáanomo Abraham ínoga Juziñamuidicue, Isaac, Jacob diga, mei birui afémaci cue illánomo cue diga cáadiaioiza,” daií Juziñamui daide.

27 Iemo Jesús nai daiíoiide: Mei ua iñédino Juziñamuiñedeza; mei íadi jíáfodo cáadimaci ie Juziñamui. Daií bífuena omoi baitáñenia iere féiraitiōmoi, —Jesús ja dinomo daide.

*Iere jamánomo ínorede caimo ocuica uai
(Mt 22.34-40)*

28 Afe dáaruido ocuica uai llófuerainimona dáamie Jesumo dúcide. Jesumo gairidino nana Jesús diga úrilla uaina afémie cacade. Daje izóí Jesús ñue íaiioi uaina fairíuana afémie cacade. Afe uai fairíuana fidíillano Jesumo jicánote:

—Nana ocuica uáimona, ¿nie iere jamánomo ñnorena? —daide.

²⁹ Jesús ie uai ote:

—Nana ocuica uáimona bie iere ñnorede nánora uai: “Israel, mai omoi cácarei. Cai Ocuíraima Juzíñamui jaca daade.

³⁰ Mei jira nana o comécido o Ocuíraima Juzíñamuina izíruiri. Daje izói o comécimo ite joreño diga izíruiri. Daje izói nana o ifo úrilla uaido íena izíruiri. Daje izói nana omo ite ríinodo íena izíruiri.” Be ñie nánora ocuica uai.

³¹ Afe méifoide ocuica uai daje izói jóide. Afe uai daide: “Dama o abi o izíruilla izói, afe izói o aino ímiena mai izíruiri.” Jíáie ocuica uai izoide bie baímo íñede, —daide.

³² Iemona Ocuica uai llófueraíma daide:

—¡Ie mei! Llófueraíma, ñue daídio. O daina uafue. Uáfueña Juzíñamui daade. Afémie baímo jíámiena íñede.

³³ Daje izói afémiena nana cai comécido izíruillena ñuera. Ie llezica nana cai ifoci úrilla uaido íena izíruillena ñuera. Ie llezica nana cai comécimo itífujaido íena izíruilla ñuera. Ie llezica nana caímo ite ríinodo íena izíruillena ñuera. Daje izói cai abi ímiena dani cai abi izíruilla izói, afe izói íena izíruilla jíáirede. Bie izói cai izíruilla, aillo ráifide. Ua, nana fatá Juzíñamuimo fia fecaca rílleníai baímo ráifide, nana Juzíñamui íóbitallena jobaica rílleníai diga, —daide.

³⁴ Iemona baitádimie izói afémie ie fairíua uaina cacáillano, Jesús íena daide:

—Juzíñamuimo dúillena ímiena íanori itio, —daide.

Afe mei jacíruillano buna jiaífuena Jesumo jicánoñediaioi.

*¿Bu jító Cristo? Jesús dama jicánote
(Mt 22.41-46; Lc 20.41-44)*

³⁵ Jesús gairíracomo llófullofuena llezica, comínimo jicánote:

—Onódiomoiza ocuica uai llófueraíni “Cristo David jító” daiífirediaioi. ¿Nie izói daiírede?

³⁶ Mei dama David Juzíñamui Joréñodo úrite; daide:

—Monamo ite cai Moo Juzíñamui cue Ocuíraimana daide: “Cue nabézimo rainai, o éoigamacina cue anáfenolliruimo,” daií David daide.

³⁷ David Crístona “cue Ocuíraima” daiíadi, ¿nie izói afe llezica Cristo ie jítóna írede? —daide Jesús. (David emodo imácimona Cristo cómuide.)

Aféruido aillo comíni, caimare Jesús úrilla cacáreizabitiaioi.

*Ocuica uai llófueraíni fieni illafue Jesús jino
comínimo llote
(Mt 23.1-36; Lc 11.37-54; 20.45-47)*

³⁸ Jesús llófullofuena llezica íaioina daide:

—Ocuica uai llófueraínimona abí omoí rairuiri. Afémaci ápera ñuera inícuero jítano comíni uiécomo mácafírenana gáidiaioi. Afe llezica íaioi anamo comíni fecáracuaimo ñue jacíruioicana íaioi uáiduana gáidiaioi. (Daje izói comíni íaioi daínauai jiéruillena gáidiaioi.)

³⁹ Afémaci Juzíñamui uai llófueraicomo ite ñuera ráiranona raíre jiaíimaci uiécodo jenófirediaioi.

Afe izói comini iráiziracomo iráiziadi, afémaci iere ñuera ráiirano uiéçodo maiñófirediaioi.

⁴⁰ Afémaci fecínguai jofue naa íaiói raari bairófirediaioi; mei íadi comínimo jíáfodo afémiaí cíoillena, are Juzíñamuimo úrioidiaioi, comini éroilla llezica. Afémaci iere jamánomo duere finócamacina jáitiaioi, —daide Jesús.

*Dúerede fecíngo fecaca úcube jamánomo ñuera
(Lc 21.1-4)*

⁴¹ Iemo Jesús Juzíñamuimo gairíracomo ráicana eroide. Úcube dotárano uícomo ráiide. Comini afénomo úcube dótajillamo eroide. Iere ráaredino aillo úcubena dotádiaioi.

⁴² Bie llezica fecíngo dúeredíngo mena úcubetuni dótaibite. Bituni íaínguai ‘cobre’ ie; iere due ráifide centavo izoide.

⁴³ Ie mei Jesús ie llófuegamaci jíirillano íaioina daide:

—Uáfuenta ómoimo lloticue. Bie dúerede fecíngo úcube jóneracojimo dotaca úcube, iere jamánomo jíáimaci afénomo dotaca úcube baímo jaide.

⁴⁴ Nana jíáimaci úcube fiébide államona dotádiaioi, mei íadi afengo duéredíngo íadi, nana aféngomo ite úcube ie iga. Afengo güille óllena úcubena nana afengo ja dotaca, —Jesús daide.

13

Gairíraco uire júdaíllena Jesús ie llófuegamacimo llote

(Mt 24.1-2; Lc 21.5-6)

¹ Jesús gairíracomona jino billa llezica, ie llófuegamacimona dáamie íena daide:

—Llófueraíma, ¡bie iere ñuera nófiemo eroi! ¡Daje izói bie jofo áilluemo eroi! —daide.

² Iemo Jesús uai ote:

—Mai bie áillue jófuemo ñue omoi eroi. Benomo daje emódomo nófiena fiebiñeite. Nana oni júdaille, —daide.

Iraírui uícodo útifuiái

(Mt 24.3-28; Lc 21.7-24; 17.22-24)

³ Afe mei Olívona mameide ídumo jáidiaioi. Gairíraco uiéco dibénemo ite. Afénomo Jesús ráiidemo, Pedro, Jacobo, Juan, íemo Andrés báinino íena daidiaioi:

⁴ —Nana bífuiái o daína júdaille zuíllaruina onóiacadicaí. Mai caímo llone. Nana bífuiái fúiacana ¿nie izói caína onótaite? —daidiaioi.

⁵ Jesús uai ote:

—Bu omoi jífueñeillena, ñue abí omoi rairuiri.

⁶ Aillo cue mámeçido imaci abi jítano bíitiaioi. “Cristodícue” daínano bíitiaioi. Afémaci aillo comínina jífueitiaioi.

⁷ ‘Mei íadi aillo áinori ite fuiríllafuena, íemo jica ite fuiríllafue diga omoi fidíadi, omoi jacínaiñeno iri, mei afe daií íredeza. Mei íadi nai íirairuiñedeza.

⁸ Mei aféruimo daa nairai jíái náiraímo fuirízaite. Afe llezica dáazie jíáziemo jobáirizaite. Aféruillaído diga illánomo énie riire dócaite. Dáaruído aillo júbie diga éniiaído iite. Be aféfuiaí comíni duere zefuille táinia raa.

⁹ ‘Mei jira abí ñue omoi rairuiri, mei riire ocuídímaci gairíllanomo omoi uítiaioiza; Juziñamui uai llófueriracomo ómoína fáziitiaioi. Cue ícoínia riíllaini uícomo ómoína óreitíaoi, jamánomo

ríiredillaini diga. Afe daií cue dibénedo íaioimo úritiomoí.

¹⁰ Mei íraírui nai dúciñena llezica, cai jíllo nafue uai nana náiraímo jino llóredeza.

¹¹ Ríiredillainimo omoi oreille llezica, omoi úrillifuemo raire uícomo comécido facáñeno omoi iri. Daje izói omoi comécillifuemo raire uícomo uibíñoñoeno iri. Aféruimo Juzíñamui omoi ífomo úrilla izói, mai omoi daiíri, mei daní omoi úríñeitiomoí; omoi comécimona Juzíñamui ie Ñuera Joreño úrite.

¹² Afe llezica dáamie nahí ie ámamo fiénidífue nítano jiáimiena ie fatátaite. Daje izói móotiai nahí ie jitótiaina fiénidífuedo izájitaitiaioí, íaioí titállena. Afe íbana íaioí jitótiai, nahí ie móotiaímo fiénidífue nítano íaioí fáite titállena.

¹³ Cue ícoinia, nana comini ómoína éoillano iere íáiruitiaioí. Mei íadi íraíruiimo jaícina Juzíñamuimo iere féitañeno ínotimie jíllobicaite.

¹⁴ ‘Jaiái Juzíñamui uai jino llóraíma Daniel daa iere íáiruiga raa dibénedo cuete. Afe íáiruitaite raa nabene jofue júdaítaite. Afe fiénidífue na oruide raa Juzíñamuimo garíracomo ite jeruícacomo jóonia llezica, Judea éniemo itino, árera íduaímo botárediaioí. (Bibe facádimie mai ñue onoiri.)

¹⁵ Aféruimo o jofu jinófene idamo omoi íadi, jofu eromo ite ráaniaina omoi uájíñoeno iri; raire botari.

¹⁶ Jacáfaimo táijidimie abido jofomo biñoeno iri, ie ínícuiruai óllena.

¹⁷ Aféruimo ite ringóniai namóciredino iere duere zéfuitiaioí, aizínidiaioíza. Daje izói monoi jirode duera úrue llíidingotiai duere zéfuitiaioí.

18 Ie jira Juzíñamuimo omoï jicari, “Nóci illáruillaído caína botátañeno iri.”

19 Bie izóï duere zefuálliruina jaca jaiái ífnide. Ua, Juzíñamui bínie fínuamona benomo afe izóïdena íñede. Aféruillaí méífomo afe izóï íñeite.

20 Juzíñamui afe zúuredirui are jóoneadi buna jilloñeille. Mei íadi afémie nizécanona izíruillano íanori afe zúurediruina afémie jóoneite. Are íñeite.

21 ‘Iemona aféruimo dámie ómoína daiíadi: “¡Erocai, benomo ite Cristo!” áemo íñoñoeno iri. Daje izóï jíáimie daiíadi: “Eroi, batínomo ite Cristo,” áfena íñoñoeno iri.

22 Mei uafue, aféruído aillo jífueritino bíítiaioï. “Cristodícue” dáítiaioï. Daje izóï “Juzíñamui dibénedo úriticai” dainano comínina jífueítiaioï. Afémaci ciórainina ráaniaí fínoítiaioï, jíáie jacíredífuiaí diga, comini jífuellena. Uafue, daje izóï dama Juzíñamui nizécanona jífueacadiaioï, afémaci daií jífuetareniadi.

23 Mei íadi mai ñue omoï comeci facáoiri; mei nana bífuiaína jae uícodo ómoimo llotícueza.

Monámona bite Nanoide Ima Jitó, Cristo meine bíllena Jesús llote

(Mt 24.29-35, 42-44; Lc 21.25-36)

24 ‘Ie mei aféruillaído, zúurediruillaí méífomo, jitoma duíbicaite. Fíui égaiñoñoite.

25 Monamo ite úcuai cócítiaioï. Afe llezica mona eromo ite ríino mozídino, mairíñoeno jaillano dócáitíiaioï.

26 Iemo nauí monámona bite Nanoide fima Jító Cristo meine abido cíocaite. Uíllie cígido biite; aillo riino diga. Jamánomo ebírenafuedo biite.

27 Afe mei ie abi imácina óreite, nana ie nizécamací nana mona fuédamona gairitallena. Ua jamánomo jica ite ígobíai imácimona nizécano nana dáanomo atille. Daje izói énie fueda imácimona nizécano nana dáanomo atílliaíoi.

Nai ie llófuegamacimo llófuiano, íaíoi na daide:

28 ‘Mai bie higuera amena rafue omoi onoiri. Afe higuera íbíaí firuilla llezica fimona ánozillana onódiomoíza.

29 Daje izói nana bie zúuredíruillaí zuíllana omoi cíoiadi, íraírui ánozillana onóitiomoí. Jae iere íanori ite.

30 Uáfueña ómoína dáitícue, afe illáruido itino comini nai tíñenia, nana bifue zúite.

31 Nana mona énie diga fúite, mei íadi cue daína uai jaca ninomo méidonide. Cue llua izói zúite.

32 ‘Mei íadi afe illíruina buna onóñena. Daje izói Juzíñamui abi imaci onóñediaíoi. Ua afe izói Juzíñamui Jító aféruina onóñede. Dama cai Moo Juzíñamui onoiga.

33 ‘Te jira, aferui dúcinana onóñediomoíza, mai ñue figo abina omoi onoiri. Afe llezica mai ñue omoi uíñori. Daje izói Juzíñamuimo úrifíreiri.

34 Cue meine billífue dámie jica jailla izoide. Afémie nai jáíñenia íemo táíjídínona ie jofu uíñotade. Illa dígamie dáarie táíjillena igáiaíoi. Iemo naze uíñoraima jóoniano, íena riire ocuide, jofu uíñollena.

35 Afe izói mai omoi abi onóicana uíñori, mei jofu naama billírui ónoñegaza. Níbaí nauíoilla llezica

biite, nibai dáaferuimo, ónoñega. Nibai atava úrilla llezica, nibai jítiramo afémie biite; ónoñega.

³⁶ Mai abí omoi onoiri, afémie raire bíadi, omoi iníllena ie cíoñeillena.

³⁷ Omoína cue daina izói nana comínina daidícue:

—Cue bíllemo abí omoi onoiri, —daide Jesús.

14

Comini Jesús llaitállena maméritiaioi
(Mt 26.1-5; Lc 22.1-2; Jn 11.45-53)

¹ Nai ménarui ite pascua ráfuemo. Afe rafue llezica afénomo ite comini íaioi pan fáitara jóoneño gúífirediaioi, mei aféruillai fáitañega pan gúífirénafue. Lletáriraini illaini ocuícáfue llóraini diga Jesús jífuiado llaitállena jenódiaioi, ie titállena.

² Iadi daidíaioi:

—Íraízie ana íena llaitánide; áfemo comini ficire júfidoñeilleza, —daidíaioi.

Ringo zióredijido Jesús ifona jillaide
(Mt 26.6-13; Jn 12.1-8)

³ Jesús Betániamo ite. Simón jofomo ite. Afe Simón chíinaitimiena mameide. Gúirácomo íaioi ráina llezica, daa ringo jamánomo ráifide ziórediji Jesumo jilláizaibite. Afe ziórediji duera alabastro daina nofici finoina icítirumo ite. Afe ziórediji mámeçi nardo. Afeji jíáiena fáíñega. Afengo afe icítiru llaillano, Jesús ifomo áfeji totade.

⁴ Afénomo itínomona dámierie áferi ríicaidiaioi. Dani conímana riire daidíaioi:

—¿Nibái mei bie ziórediji táinomo dotade?

5 Afeji trescientos romano úcubetuni baimo fecárede, duéredimacina canóllena, —daídíaiói. Aféngomo rícaillano íáiruitiaíói.

6 Mei íemo Jesús daíde:

—Mai aféngona fáicanocai. ¿Nibái mei aféngona áifedodiómoi? Bie cuemo afengo finócafue ñuera.

7 Mei jii, duéredino jaca omoi cígimo íitiaíói. Omoi jítáiadi afémacina canórediómoi. Mei íadi cue omoi cígimo are íñeíticue.

8 Afengo ñue cuemo finórede raa cuemo fínuaíbite. Jáímaci cue raiájíñenia cue abimo zióredijina afengo cuemo jóoniaíbite.

9 Uáfueña ómoína dáitícue, náganomo bie éniemo comíni jíllóille uai jino llóíadi, bie ringo cuemo finócafue jino llóitiaíóiza, áfemona aféngomo uíbicaífireillena.

Judas Jesús íena éoidímacimo izájijde

(Mt 26.14-16; Lc 22.3-6)

10 Ie mei Judas Iscariote lletáriraini illaini dine úrizaide, Jesús afémacimo izájillena. Afe Judas, doce dígamie Jesús llófuega ímie.

11 Afe illaini Judas dánana cacáillano, íóbidiaíói. Afe jira íena daídíaiói: “Jesús caímo o atíadi, úcubena omo íbaitícai.” Iemona Judas nie izóí Jesús íaíoiimo fecállena jenode.

Jesús íraífuena güillafue

(Mt 26.17-29; Lc 22.7-23; Jn 13.21-30; 1 Co 11.23-26)

12 Fáitañega pan rafue nanódiruimo oveja jiza fáírediaíói, pascua ráfueño ríllena. Aféruimo jae dúcide. Aféruído Jesús llófuegamaci íemo jícanotiaíói:

—¿Ninomo pascua rafue uícodo cai finuaillena óiacadio, afénomo pascua ráfuego mameide güille cai güillena? —daídíaioi.

¹³ Ie jira ie llófuegamacimona ménaillinoi óriano daide:

—Jófuemo jai. Dinomo jainoi icírudo uítimiena báitiomicoi. Iedo jairi.

¹⁴ Afémie jofo jáillanomo, afeco náamana daíri: “Llófueraima daide, ¿Ninomo ite cue güillino cue llófuegamaci diga? Dinomo pascua rafue llezica güíticai daide.”

¹⁵ Jira afécona ómicoimo ácatajite, áiloco. Caifóidicomo iite. Ja fuífide. Dinomo cáiena finori, —daide.

¹⁶ Jira llófuega íaillinoi oni jaillano jófuemo dúcidiaillinoi. Dúciillano uícodo Jesús íaillinoina daina izói baizájdiaillinoi. Pascua rafue ja finódiaillinoi.

¹⁷ Nauízailla llezica, Jesús doce diga ie llófuegamaciri dúcidiaioi.

¹⁸ Güirábanimo güitíaioimo Jesús íaioina daide:

—Uáfueña ómoína daíticue, daa ómoimona, cue diga güitínomona cuena fécaite, —daide.

¹⁹ Jira afémaci zúucaidiaioi. Afe llezica dáamierie Jesumo jicánotiaioi:

—¿Níbai cue? —daide.

Jiáimie daje izói daide:

—¿Níbai cue? —daide.

²⁰ Jira Jesús uai ote:

—Afémie daa ómoimona, bie doce dígamiedemona; ua cue birui diga dáajemona güitímacimona.

21 Nanoide ñima Jitódicueza Cuegáuai lloga iodo jáidicue; ua cue tíllinomo jáidicue. Mei íadi cue fecádimie, ¡nii iere dúerena! Afe ñima jócoñegana baimo ñue jaide, íadi jae comuide, —daide.

22 Güitíaiómo, Jesús pan llíinota daide:

—Iere figura, —daide. Daina mei ditade. Ditada íaiómo fécajano daide:

—Mai omoi güi. Bie cue abi, —daide.

23 Iemo Jesús jiróracuri llíinote. Afécuri vónona oruítaga. Ie mei:

—Iere figura, —dainano íaiómo ite. Nana afécurimona áfeji jiródiaíoi.

24 Iemo daide:

—Bie cue die; áfedo comue dájemo llínoga uai uáfuena daiíllena. Aillo nairai jíllollena cue die tóite.

25 Uáfuena ómoína daidicue, ja biruímona afe uva rao llizilla iji jiroñeiticue. Ua nágaruillaído Juzíñamui illáimana illirui nai biñena llezica jiroñeiticue. Aféruimo comóicana áfeji nane meine dáanomo jíroiticue, —daide.

*Pedro Jesuna jáanuana Jesús uícodo llote
(Mt 26.30-35; Lc 22.31-34; Jn 13.36-38)*

26 Juzíñamui rua íaiói rua mei, jino Olivo dainádumo jáidiaíoi.

27 Iemo Jesús daide:

—Bie naio, iomo come éicitaila izói, méaicaillamona nana omoi cuena zóofeitíomoi. Cuegáuai daide: “Ovejai úiñoraimana fáiticue; fállemona ovejai oni rájjicaitiaíoi.”

28 Mei íadi cáadimiena meine abido cue ille méifodo, omoi uiécomo Galiléamo jáiticue, —daide.

29 Jira Pedro daide:

—Nana ona fáicanocaitiaioimo, jaca o fáicanocaiñeiticue, —daide.

³⁰ Iemo Jesús uai ote:

—Uáfueña dáititcue, bie naio atava ménacaiño nai úriñeniadi dacaiñoámani cuena jáanoitio, —daide.

³¹ Mei íadi afémie iere afe íeñede úricana daide:

—O diga cue tíllena jitáíadi, nai ona jáanoñeiticue, —daide.

Nana daje izói daidíaioi.

Jesús Getsemanimo Juzíñamuimo úrizaide

(Mt 26.36-46; Lc 22.39-46)

³² Iemo güirácomona jino billano Getsemaní ibírímo dúcidiaioi. Dinomo Jesús ie llófuegamacina daide:

—Bai bené Juzíñamuimo cue úrizaiilla llezica, benó omoi ráiri, —daide.

³³ Iemo Pedro, Santiago, Juan diga uite. Jesús ja zuure cácaide; afémie aillo jaci cácade.

³⁴ Jira daide:

—Cue joreño iere zúureficaide; afe zuufue tílla izói cue orede. Benó omoi fiebi. Abí omoi onoiri, —daide.

³⁵ Iemo Jesús jabo baife jaide. Dinomo éniemo bíjicaillano Juzíñamuimo jicade:

—Nana bie cuemo jíriacade raa cúemona oni o oréreadi, mai oni oreri, —daide.

³⁶ Nai Juzíñamuimo úrioicana daide:

—Cue Moo, ómona nana finórede. Bie iere zuure facállinomona cue zuitari. Mei íadi cue oíacana izói finóñeno iri, mei jíáfodo o oíacana izói finori, —daide.

³⁷ Iemo daámani llófuegamaci diné jaide. Inídiaioimo dúcide. Pédróna daide:

—Simón, ¿ja o inídiio? ¿Jaca due jiza abí onóoicana uíñonidío?

³⁸ Abí omoi uíñori. Juzíñamuimo úriri, fiénidifuemo omoi báíñeillena. Uáfuenta o joreño iere jírede, mei íadi o abi nánide, —daide.

³⁹ Iemona dáanomo nane, Juzíñamuimo úrizaide. Daje uáillaina daide.

⁴⁰ Ie mei nane bítemo, ie llófuegamaci meine dáanomo inídiaioi. Daí afémaci íniamo, Jesús íaioina cíozaibite, mei íaioi uíj ínie ibáicza. Iaioi uai ollino iñede.

⁴¹ Ja dacaiñoámani Juzíñamuimo úrillano bite. Billano íaioina daide:

—¿Mei nai birui inídiomoi? ¿Nai ocózinaidiomoi? Jae mai. Nanoide íima Jitódicueza, mei íadi fiénidimacimo cue itábicaillarumo ja dúcide.

⁴² Náidacai. Mai cai jai. Cue fecádimie ja bite.

Jesús llaitádiaioi

(Mt 26.47-56; Lc 22.47-53; Jn 18.2-11)

⁴³ Ie llezica Jesús nai úritemo Judas dúcizaibite. Afémie doce dígadimacimona. Afémieoiri aillo comini bitíaioi. Lloefai bigíniai diga bitíaioi. Lletáriraini illáinimona bitíaioi. Dáarie bie comini ocuícáfue llófueraimona éicomini diga bitíaioi.

⁴⁴ Fecádimie Judas bimácimo ónoitara nauí lloga. Daide:

—Cue ñitállimie níimieite. Ie llaitari. Ñue maiano, ui, —daide.

⁴⁵ Iemo Judas billano, Jesumo áinozillano uáidote:

—¡Llófueraíma! ¡Llófueraíma!

Daí dainano ñitade.

46 Iemo Jesús llaítada, maiano, bitino íena uitíaiOi.

47 Afe llezica dinomo itínomona dáamie lloefai otá daa bitímie jefo ñetade. Afe jefona ñetácamié lletáriraini illaíma jaiénici.

48 Iemo Jesús comínina daide:

—¿Meita meríriraímadicue izói lloéfaillairi bigíniai diga cuena lláitaibitíomoi maiano cue uíllena?

49 Nágaruí ómoiri Juzíñamuimo gairíracomo llófuecana iticue; íadi jaca cuena llaítáñediomoi. Mei íadi bifue íficaide Cuegáuailai fuitállena, — daide.

50 Iemona nana llófuegamaci íena fáicanocaillano botádiaiOi.

Da Jesudo jáicaide jitócome botade

51 Mei íadi da jitócome dama áillue iniroi jitada nai Jesús óodana jáicaide. Ie mei bitino íena llaítádiaiOi.

52 Mei íadi afémie jarire duíñuano aferoi íaiOimo faínóicaide. Daíí ñeta emuíroma jarire botade.

Jesús jicánodoíllinomo uiga

(Mt 26.57-68; Lc 22.54-55, 63-71; Jn 18.12-14, 19-24)

53 Iemo judíuái lletáriraini caifóidillaímamo Jesús uitíaiOi. Afe llezica nana lletáriraini illaini, íemo éicomini, íemo ocuica uai llófueraini diga, dáanomo gairídiaiOi.

54 Pedro, afe jamánomoidillaíma jofu abi ibírímo, óodana jicado jaide. Dinomo llaizíriraini diga ráiide; irai fuemo agaide abi uzíreillena.

55 Nana lletáriraini illaini jamánomo ocuídímaci diga Jesumo fieni íaiOi facátallena uai nabáidino

jenódiaioi, áfedo íena titállena. Mei íadi áfena baiñédiaioi.

⁵⁶ Aillo íemo taino llotíaioi. Iadi íaioi táinofuiyai jaícina jóobiñede.

⁵⁷ Iemo dáarie caifo náidacaillano, afémiemo taino fiénidifue nitádiaioi. Daidíaioi:

⁵⁸ — Aféme dánana cacádica: “Bie comini fino ca gairíraco júdaiticue, íemo daruíámani íllemona jíái gairíraco comini finóñegaco abido niticue,” daide, —daidíaioi.

⁵⁹ Mei íadi nane íaioi lloga uai nabáillafuiyai jaícina jóobiñede.

⁶⁰ Iemo lletáriraini illaíma íaioi cígimona jino náidacaillano Jesumo jicánote:

—¿O uai óñeitio? ¿Minica bie omo nitádiaioi? —daide.

⁶¹ Mei íadi daa uai oñede. Iemona lletáriraini illaíma nane dánonomo jicánote:

—¿O Crístodio? ¿Afe cai ñúefuena nitaca Juzíñamui Jitódioza? —daide.

⁶² Jira Jesús daide:

—Jii, ie mei. Nanoide íima Jitódicue. Uire uáfuena cuena cíoitíomoi. Ua rírede Juzíñamui nabézimo dínomo cue ráinaillana cíoitíomoi. Aféruillaído mona ero úilliedo cue bíllana cíoitíomoi, —daide.

⁶³ Lletáriraini illaíma jamánomo ríicaillano icírillamona ie iniroi cúatajano daide:

—¿Nibái mei jíáie uai nabáiraíma jíitáiticaí?

⁶⁴ Ja Jesús ie uáillaído Juzíñamui díbénemo fienu úrillana cacádiomoi. ¿Omoi, nie izói íena daidíomoi? —daide.

Iemona nana íena titállena daidíaioi.

65 Iemo dámiere afémiemo túallaítiaioi. Afe llezica ie uíeco iníroina ibáillano, íena fatíaioi. Fájano daidíaioi:

—¡Mai bai! ¿Bu o faja? —daidíaioi.

Iemo llaitádino ie uíeco túcoidiaioi.

Pedro Jesús jáanote

(Mt 26.69-75; Lc 22.56-62; Jn 18.15-18, 25-29)

66 Pedro ana jofo ibírimo ite. Iemo daa lletáiraini illaíma canóraingo afénomo dúcide.

67 Pedro irai fue agáillana cíóillano, afengo afémiemo riire eroide. Iemona daide:

—O daje izói Nazarena ímie Jesús diga macáfiredio, —daide.

68 Mei íadi Pedro jáanuano daide:

—Aféfuena fidíñedicue. Minícado úritio onóñedicue, —daide. Daina mei afémie naze fuemo jino jaide. Iemo ítava úrite.

69 Iemona canóriraingo íena nane cíóillano afénomo itínona daide:

—Afe iima Jesudo jáidimacimona, —daide.

70 Mei íadi Pedro meine jáanote. Ja baído afénomo itino Pédróna nane daidíaioi:

—Uáfuena. O Jesús imaci iéδιο. Galilea ímiedio. O úrilla afémaci úrilla izói jóoide, —daidíaioi.

71 Ie jira Pedro: “Uáfuena cue llóñenia Juzíñamui cue fáidoiteza,” daide. Dáanomo Pedro ie daina uai nabáillena Juzíñamui mámeçido riire mámano daide:

—Afe omoi úrillamiena onóñedicue, —daide.

72 Daií daina llezica atava dáanomo nane úrite. Iemona Jesús íena daináfuemo Pedro uíbicaide. Nano uícomo íena daide Jesús: “Atava ménacaiño

nai úriñenia dacaiñoámani cuena jáanoitio.” Afemo comeci fácajano éeiaide.

15

Jesús onínellaima Pilátomo uitíaiói

(Mt 27.1-2, 11-14; Lc 23.1-5; Jn 18.28-38)

¹ Afe jítiramo lletáriraini illaini íemo eicomíniri gairízaidiaíoi, ocuica uai llófueraini diga; ie emódomo naa jáíe jamánomoidillainiri. Gairíllano Jesumo íaiói finóllifueri daní úritiaíoi. Maíga Jesús Pilátomo izájidiaíoi.

² Jira Pilato jicánote:

—¿O meita judío illáimadio? —daide.

Iemo Jesús uai ote:

—¡Ie mei! Daií jaca o daina izói, —daide.

³ Iemo lletáriraini illaini aillo fiénidifuiái afémiemo nitade.

⁴ Jira Pilato dáanomo jicánuano daide:

—¿O uai oñedio? ¡Cacai! Diga fiénidíuái omo nitádiaíoi, —daide.

⁵ Mei íadi Jesús uaina oñede. Afémié uai oñenamona Pilato fáigacaide.

Jesús ie tiíllena uáfodo maméritiaíoi

(Mt 27.15-31; Lc 23.13-25; Jn 18.38-19.16)

⁶ Afe rafue ana naga fimónado comínimona llogámie llaitácamiéna Pilato zuitáfirede.

⁷ Come fatímie Barrabás jae llavéracomo ite, jáíe come fatímaci diga. Nano jáíruido illaima dotátaruimo comini fatíaíoi.

⁸ Ja birui comini Pilátomo jícaibitiaíoi. Billano Pilato íaióimo finófirena izói ie finóllena jicádiaíoi.

⁹ Pilato uai ote:

—¿Judíuai Illaíma ómoímo cue zuitállena jítáidíomoi? —daíde.

10 Pilato ja lletáriraini illaini Jesús úradoillafuedo fécajana fidide.

11 Mei íadi lletáriraini illaini nana comini jeire otímaci. Iaiói úamona iere caillídímaci. Iaióina llófuetíaiói:

—Jesús ifomo mai Barrabás caimo zuitállena izire omoi jicari, —daidíaiói.

12 Jira Pilato jicánote:

—¿Nie izói oíacadiómoi omoi mamécamié Judío Illaíma cue finóllena? —daíde.

13 Iemo caillíaicana uai otíaíói:

—¡Cruzmo íena corai! —daidíaiói.

14 Jira Pilato daíde:

—¿Nibái mei? ¿Afémie nie fiénidífue finode? —daíde.

Nane dáanomo baímo caillíaicana daidíaiói:

—¡Cruzmo íena corai! —daidíaiói.

15 Iemona Pilato nairai uíécomo ñue íacanamona, Barrabás zuitada orede. Iemo Jesús zechétajano llaizíritinomo izájide íena coráillena.

16 Ie mei afe onínellaíma áilloco jofo ibírímo íena uitíaiói. Afénomo nana fuíríraini gairítatíaiói.

17 Iemo ñue jíairede inícuro, illaíma íena, afémiemo jítádiaíói. Aferoi uálláíma jítáfiregaroi. Afe llezica ífo icuífoi eegi nínacuifoína íemo jítádiaíói.

18 Jítajano janónaioicana riire íena uáidotíaiói; daidíaiói:

—¡Figo o iri, Judíuai Illaíma! —daidíaiói.

19 Iemo rázido diga icaiño ie ifo butíai*oi*. Ie túallaitíai*oi*. Afémiemo caiñici ana dújullano jifánodoicana íena ebíruitíai*oi*.

20 Daií ie íai*oi* áfedua méifodo, afe illaíma jítacaroi íemona duiñódia*oi*. Dúíñuano dama íecuirona ie jítadia*oi*. Ie mei afénomona jino íai*oi* uiga íena coráiaillena.

Jesús coráina

(Mt 27.32-44; Lc 23.26-43; Jn 19.17-27)

21 Jesuna coráiaidia*oi*mo Cirene ímie Simón jinnona jófuemo bite. Afémie Alejandro Rufo íaillinoi moo. Bítemo Jesús coráillibicina rocátatia*oi*.

22 Iemo Jesús Gólgota maméidinomo uitíai*oi*. Afe Gólgota jiáimaci uaido Ifócorai Illánona mameide.

23 Afénomono vino erírediji diga jóonegana Jesús jirótatia*oi*. Mei íadi áfena afémie jiróñede.

24 Afe mei ja Jesuna coráidia*oi*. Iemo fuiríraíni onótaraji dotádia*oi*, Jesús inícuero íai*oi* máíñuana onóillena. Iemona dájerize illa dígamie ie inícuero uite.

25 Jae jitoma caifo illa llezica Jesús coráidia*oi*.

26 Jesús coráigabicimo jiáie uai llotíbicina netádia*oi*. Afébicimo nie íaifue ie fínua jira coraica, daií íai*oi* cuega. Bibícimo cuetía*oi*: “Bímie Judíuai Illaíma.”

27 Afémie diga mena meríriraíma íaillinoi coráidia*oi*, dámie ie nabénemo, jiáimie ie jarífenemo.

28 Jaiai Cuegáuai daií fúibicaide. Aféuai daide: “Afémie fiénidimacimo jaináitaga.”

29 Afe iodo jáidino Jesumo fieni úritiaioi. Fuenta iere riire íena zanódiaioi. Daídíaioi:

—Mai, cacai. O Juzíñamui gairíraco ana júdaitimiedioza. Daje izói daruiámani íllado abido afeco níitimiedioza.

30 ¡Mai dama o abi jíllota! ¡Crúzmona ana bi! — daídíaioi.

31 Daí daje izói lletáriraini illaini, ocuica uai llófueraini diga, Jesuna janónaitiaioi. Dani conímana daídíaioi:

—Afémie jáímaci jíllotate, íadi afémie dama ie abina jíllotanide.

32 Mei birui Cristo, Israel Illaíma ana crúzmona bíadi, áfena cai ciónamona afémie uaina ja uáfuenta ínoiticaí, —daídíaioi.

Daje izói afémie diga coráicaiaillinoi fieni Jesumo úritiaioi.

Jesús tílla

(Mt 27.45-56; Lc 23.44-49; Jn 19.28-30)

33 Jaíciri illa llezica nana énie jítireficaide. Daho-raámani fidi monáíñede.

34 Afe llezica Jesús riire cáilliano daide:

—Eloí, Eloí, ¿lama sabachtani? —afe uai dobáíñuana daide: ¡Cue Moo Juzíñamui, Cue Moo Juzíñamui! ¿Nibái cue zóofetio? —daide.

35 Dámierie afénomo itínomona áfena cacáillano daide:

—Cacarei, afémie Juzíñamui uai jino llóraíma Elías jírite, —daídíaioi.

36 Iemona afémacimona dámie aizida fíllicide raa uájide. Erírede vínona riáitano, áfena ragüizi ícoimo jóonete, áfedo Jesús jirótallena. Daí ñeta, íemo ñuitade. Afe llezica jáímaci íena daide:

—Ina jabe. Mai cai éroi, neca afémie Elías ana ólleza, —daide.

³⁷ Ie mei Jesús rñire caillida tíide.

³⁸ Afe llezica Juzíñamui gairíracomo zebica jédaciede iniroi, dáfenedo caifófenemona ana cuáijicaide.

³⁹ Jesús anamo romano jabóidillaíma uieco dibénemo naidaide. Ie cáilliana cacade. Ie tíilla izóidena ciode. Cúano daide:

—Uafue, bie íima Juzíñamui Jitó, —daide.

⁴⁰ Dáanomo dáarie ringóniai jicana eróiediaíoi. Iaiíoi cigímo ite Magdalena jofue ingo María, íemo Salomé, íemo jíáie María. Afengo Santiago José ei. Afe Santiago jofófene ímiena mameide.

⁴¹ Bie ringóniai Jesudo jáicadino. Naui Galiléamo ie illa llezica, afémaci íena canódiaíoi. Mei íadi bimaci baímo aillo jíáingotiaina, Galilea ingóniai afémiedo Jerusalemo bitíaíoi.

Jesús abi raiáfomo jóoniaidiaíoi

(Mt 27.57-61; Lc 23.50-56; Jn 19.38-42)

⁴² Ja nauízaide. Mei aferui ocózinaillarui uícodirui illaza, comini íaiíoi jítaille raa finófrediaíoi.

⁴³ Jira José Pilátomo Jesús abi jícajide. Afe bie José Arimatea jofue ímie. Afémie caifóidillaímaíaimo iere jaináideza, ie mámece jica jalleide. Afémie Juzíñamui illáimana illíruina ñue uíñote. Afémie abi mámano jáicaiñeno Pilato illánomo jaide. Dinomo Pilátomona Jesús abi jicade.

⁴⁴ Pilato ja ie raire tíillari fáigacaide. Jira jabóidillaíma uáidote íemo jicánollena meita uafue daiíllena.

45 Jabóidillaíma “Jii” dáinamona Pilato fairíote Jesús abí José uíllena.

46 Jira José iere ñuera iniroi ibade. Iemo Jesús abí ana uáno, aféroido junide. Iemona idu ana nofici ero raigácomo ite raiáfomo íena jóoniaide. Jóoniano raigaco áillue nofícina ibaide.

47 Magdalena ingo María, José ei María diga, afe raiánona ciódiainguai.

16

*Jesús tíidemona meine abido cáadimiena jaide
(Mt 28.1-10; Lc 24.1-12; Jn 20.1-10)*

1 Ocózinaillarui méifomo Magdalena énie ingo María, Santiago ei María, Salomé diga zíoji ibádiaioi, Jesús abí recuíllena.

2 Jira semana nanóidirui jítiramo raiáfomo jáidiaioi. Afe llezica jitoma ja ciode.

3 Iemo ringóniai dúcillano conímana daidíaioi:

—¿Bu mei raiáfo uiéco ibaina nofici cairi oni ñuitalle? mei afeci iere áillueza, —daidíaioi.

4 Mei íadi érocaillano raiáfo uiéco ibaina áillue nofici oni jóoniana ciódiaioi.

5 Iemo raiáfo ico eromo íaioi jáillanomo jítócome nabézimo ráinana ciódiaioi. Afémie árecuiro úzerói jítáoide. Ieri iere jacínaitiaioi.

6 Jira ringóniaina daide:

—Omoi jacínaiñeno iri. Omoi Jesús, Nazaret ímie nauí coráicamie jenódiomoi. Mei íadi ja tíidemona meine abido cáadimiena jaide. Benomo iñede. Afémie íaioi jóoniano omoi eroi.

⁷ Ie mei Pédro mo naa jíáie llófuegamaciri llujáiri. Afe bifue daíiri: “Omoí uícomo Galiléamo jaide. Dinomo ie daína izóí íena cíoitíomoi,” –daide.

⁸ Jira ringóniaí raíáfomona botádiaíoi. Fáigacaillano cuidíritiaíoi. Iere íaíoi jacíruillamona bummo lloñédiaíoi.

*Magdalena énie ingo Maríamo Jesús cíocailla
(Jn 20.11-18)*

⁹ Semana nanóidírui monáiacana llezica, Jesús meine abido cáadimíena jaide. Afe mei fueñe Magdalena énie ingo Maríamo afémie cíocaide. Naui afémie aféngomona siete díga fíénide jóríai oni orede.

¹⁰ Iena ciona mei, afengo Jesús díga naui jáicadinomo llujáide; afémaci nai zuure éenaitiaíoi.

¹¹ Afe Jesús meine caade íllana María íaíoi mo llote, mei íadí aféfuena cacáillano, áfena nai íñoñediaíoi. Daje izóí afengo “Iena cíódicue” daína uaina íñoñediaíoi.

*Jesús llófuegamacimona ménailinoímo afémie
cíocailla
(Lc 24.13-35)*

¹² Bie mei, Jesús llófuegamacimona ménailinoí jofue onimo mácajidiaillinoí. Mácajilla llezica Jesús jíáífodo íaillinomo cíocaide.

¹³ Afe íaillinoí jíáie llófuegamacimo abido llujáidiaillinoí, mei íadí daje izóí íaillinoína íñoñediaíoi.

*Jesús ie uai oni llóllena orécamacimo ie uai
jóonenocaide
(Mt 28.16-20; Lc 24.36-49; Jn 20.19-23)*

14 Afe jíáiruido once diga llófuegamaci íaiõi güiránomo ráiidiaioimo Jesús cíocaide. Iaiõi comeci ríirena jira, íaiõina lletade. Dáanomo íaiõi íinoñena jira, íaiõina lletade, mei afe íena cíódino íaiõimo llógana ínoñediaioiza.

15 Ie mei íaiõina daide:

—Mai nágagobiaido bie jílluille uai nana comínimo jino omoi lluájiri.

16 Afe uaina ínoitimie íemo báutizagamie jíllobicaite. Mei íadi afe uaina ínoñeitimie jíllõño duere finócamiena jáite.

17 Cuemo ínoitino bie onótarafuai ínoitiaioi, afe lloga uai uafue daiíllena. Cue mámecido fiénide jóriaredimie ite fiénide jóriai oni óreitiaoí. Uícodo ónoñega jíáie uáillaido úritiaoí.

18 Daje izói titade jaio íaiõi llaítada íaiõina ainíadi, tíiñeitiaoí. Jucúrediji íaiõi jiróadi, iránitañeite. Afe emódomo, iráredimacimo íaiõi onoi bitáadi, afe iráredino jílloitiaoí.

Jesús monamo jailla

(Lc 24.50-53)

19 Afémacimo úrilla mei, cai Ocuíraima Jesús fáicana caifo monamo uiga. Iemo Juzíñamui nabézimo ráinazaide.

20 Ie mei ie llófuegamaci nágagobiaimo comini jíllona uai llocana uitiaoí. Afe dáamie, cai Ocuíraima, íaiõina canode. Afe llezica afémie íaiõi lloga uaina cíofinina íaiõi finócafuiaido uáfuenta daiítate; daje izói diga onótatifuiaido uáfuenta daiítate. Jae ñie.

Juziñamui Ñuera Uai
New Testament in Huitoto, Minica

copyright © 2011 Wycliffe Bible Translators, Inc.

Language: Minica Huitoto (Huitoto, Minica)

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Huitoto, Minica

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
740f11a2-2e26-57f5-a3a7-5deb2d20bd24